


XIII. I.B



81-WX

Fondo librario antico dei Gesuiti italiani
www.fondolibrarioantico.it

REGVLAE
SOCIETATIS
I E S V.



VENETIIS, M D LXXX.

Cum facultate superiorum.

REGALAE

SOCIETATIS

PLA



VENETIIS. MDLXXX.

CARLO GALLIUS LIBRARIUS.



INDEX

REGULARVM



VMMARIVM constitutionum.	pag. 5.
De constitutionum necessitate.	5.
De fine, & ratione uiuendi societatis.	6.
De sacramentorum usu, & examine conscientiae.	6.
De exuendo inordinato seculi affectu.	7.
De uera sui abnegatione.	7.
De Perfectionis solidarumque virtutum studio.	9.
De cura interioris hominis.	11.
De paupertate.	11.
De castitate sensuumque custodia.	12.
De obedientia.	13.
De reddenda sui ratione.	16.
De unione, & conformitate mutua.	17.
De otio, & secularibus negotijs uitandis.	18.
Quæ ratio habenda ualestudinis.	18.
De constitutionum ac regularum observatione.	20.
Regulæ communes.	21.
Quæ quisque erga se seruare debeat.	21.
Seruanda erga superiores.	23.
Seruanda erga domesticos.	24.
Seruanda erga extraneos, & cum foras eundem est.	26.

A - 2 Regulæ

Fondo librario antico dei Gesuiti italiani

www.fondolibrarioantico.it

I N D E X.

Regulæ Modestia.	29.
Regulæ Præfeti Ecclesiæ.	31.
Catalogus Missarum , & orationum .	37.
Regulæ Sacerdotum.	45.
Regulæ concionatorum .	51.
Regulæ eorum qui in missionibus uersantur.	56.
Regulæ Peregrinorum .	64.
Regulæ præfeti lectorum ad mensam .	67.
Regulæ Præfeti sanitatis.	70.
Regulæ Præfeti bibliothecæ.	71.
Regulæ Aeditu <i>m</i> .	74.
Regulæ Infirmarii.	78.
Regulæ Lanitoris.	81.
Regulæ custodis uestium.	83.
Regule emptoris.	85.
Regulæ Dispensatoris.	86.
Regulæ Præfeti refectorij.	87.
Regulæ coqui.	90.
Regulæ excitatoris.	91.
Regulæ noctu cubicula uisitantis .	92.
Epistola P. Ignatij.	93.
Formula uotorum simplicium.	13.
Catalogus Propriuarum societatis .	115.



ЗАПИСЬ 5 - А



SVMMARIVM EARVM CONSTITUTIONVM,

quæ ad spiritualem nostrorum in-
stitutionem pertinent, & ab
omnibus obseruan-
dæ sunt.



V A M V I S summa sapientia,
& bonitas Dei Creatoris nostri,
ac domini, sit quæ conseruatura
est, gubernatura, atque promotura
in suo sancto seruitio hanc minimam Societatem
Iesu, ut eam dignata est inchoare: Ex parte ve-
ro nostra interna caritatis, & amoris illius lex,
quam Sanctus Spiritus scribere, & in cordibus
imprimere solet potius, quam ullæ externæ consti-
tutiones ad id adiutura sū: Quia tamen suavis di-
ffositio diuine prouidentiae suarum creaturarum
cooperationem exigit, & quia Christi Domini no-
stri Vicarius ita statuit, & Sanctorum exempla,
& ratio ipsa nos ita docet in domino: necessarium
esse arbitramur constitutiones conscribi, quæ in-
uent ad melius in via incæpta diuini obsequij proce-

De consti-
tutionum
necessitate.
In proœ.
const. §. 1.

A 3 dendum

6 S U M M A R I V M

dendum iuxta instituti nostri rationem.

D e fine & 2 Finis huius Societatis est, non solum salutis,
ratiōne ui- & perfectioni propriarum animarum cum diuina
wendi Socie- gratia uacare; sed cum eadem impense in salutem,
tatis. & perfectionem proximorum incumbere.

In ex. c. 1.**§. 2.**

Tar. 3. c. 2. 3 Nostræ uocationis est diuersa loca peragrare,
lit. G. & p. & uitam agere in quavis mundi plaga, ubi maius

6. c. 3. §. 5. Dei obsequium, & animarum auxilium speratur.

In ex. c. 1. 4 Ratio uiuendi in exterioribus (iustas ob causas,

§. 6. maius Dei obsequium semper intuendo,) communis
 est; nec ullas ordinarias paenitentias, uel corporis
 afflictiones ex obligatione subeundas habet; sed illas
 assumere qui uis poterit, quæ sibi uidebuntur
 cum approbatione Superioris ad maiorem sui spiritu-
 tum profectum conuenire, & quas propter eundem
 finem Superiores eis poterunt imponere.

D e sacra- 5 Ipso initio sui in Societatem ingressus debet
 mentorum quisque generalem totius uitæ confessionem apud
 usus, & e- aliquem Sacerdotem a Superiori assignatum face-
 xamine co re, & postea sacramentum Christi domini Cor-
 scientia.

In ex. c. 4. 6 pus sumere, & sic sexto quoque mense eodem mo-

§. 41. do generaliter ab ultima inchoando confitebitur.^a

a Par. 6. c. Et omnes tam professi, quam formati coadiutores se

1. §. 2. mel singulis annis parati esse debebunt ad confessio-
 nem generalem, quæ ab ultima generali inchoetur,

Par. 3. c. 1. ei quem Superior sibi substituerit, faciendam.

§. 11. 6 Utantur quotidie omnes conscientia sua exan-

b In ex. ca. natione consueta: ^b Si Sacerdotes non fuerint, confi-

teantur oportet, & Sanctissimum sacramentum Eu-
charistiae sumant octauo quoque die: c. Et unus om-
nium si confessarius a Superiore constitutus, quod si
fieri non poterit, quisque certe suum stabilem habeat
confessarium, cui ipsius conscientia prorsus aperta sit.

7 Qui autem alij, quam suo confessario designa-
to confiteretur, debet postmodum (quantum recor-
dari poterit) eidem suo confessario totam suam con-
scientiam aperire, ut, nihil ignorando, quod ad eam
pertineat, melius in domino possit eundem iuuare.

8 Vnusquisque eorum, qui Societatem ingrediun-
tur, consilium illud Christi sequendo, Qui dimiserit
patrem & ceterum existimet sibi patrem, matrem, fra-
tres, & sorores, & quidquid in mundo habebat, relin-
quendum; immo sibi dictum existimet uerbum illud,
Qui non odit patrem, & matrem, insuper & ani-
mam suam, non potest meus esse discipulus.

9 Et ita curandum ei est, ut omnem carnis affe-
ctum erga sanguine iunctos exuat, ac illum in spiri-
tualem conuertat, eosq; diligat eo solum amore, quem
ordinata caritas exigit, ut qui mundo, ac proprio a-
morimortuus, Christo Domino nostro soli uiuit, euq;
loco parentum, fratrum, & rerum omnium habet.

10 Ad maiorem in spiritu prosectorum, & praeci-
pue ad maiorem submissionem & humilitatem pro-
priam contentus esse quisq; debet, ut omnes errores,
& deselitus ipsius, & res quaecunq; que notatae in eo,
& obseruatae fuerint, Superioribus per quemuis, qui

A 4 extra

c. Par. 3. 6.
1. S. 11.

Par. 3. c. 1.
lit. Q. &
par. 6. c. 3.
§. 2.

De exuen-
do inordi-
nato seculi
affectu.
In ex. c. 4.
§. 7.

In ex. c. 4.
§. 7.

De uerba
sui abnega-
tione.

In ex. c. 4.
§. 8.

extra confessionem eas acceperit, manifestentur.

II Boni etiam omnes consulant ab alijs corrigi, & ad aliorum correctionem iuicare; ac manifestare sese inuicem sint parati debito cum amore, & caritate ad maiorem spiritus prosectorum, præser-tim ubi a Superiore, qui illorum curam gerit, fuerit ita præscriptum, aut interrogatum ad maiorem Dei gloriam.

In ex. c.

4. §. 44.

12 Diligenter animaduertant oportet (magnificiendo, summique momenti id esse ducendo in conspectu Creatoris, ac domini nostri) quæ opere iuuet, ac conseruat ad uite spiritualis prosectorum omnino, & non ex parte ab horrere ab omnibus, quæ mundus amat, & amplectitur, & admittere, & concupiscere totis viribus quidquid Christus dominus noster amauit, & amplexus est. Quemadmodum enim mundani homines, qui ea, quæ mundi sunt, sequuntur, diligunt, & querunt magna cum diligentia honores, scilicet famam, magni nominis existimationem in terra, sicut mundus eos edocet: sic qui procedunt in spiritu, & serio Christum dominum nostrum sequuntur, amant, & ardenter exoptant, quæ ijs omnino contraria sunt, indui nimirum eadem ueste, ac insignibus domini sui pro ipsius amore, ac reuerentia; adeo ut si sine offensione ulla diuinæ maiestatis, & absque proximi peccato forret, uellent contumelias, falsa testimonia, & iniurias pati, ac stulti haberi, & existimari (nulla ta-men

C O N S T I T U T I O N V M .

9

men ad id per eos data occasione) eò quod exoptant assimilari, ac imitari aliquo modo creatorem, ac dominum nostrum Iesum Christum, eiusque uestibus, & insignibus indui: quandoquidem illas ipse propter maiorem profectum nostrum spiritualem, induit, nobisque exemplum dedit, ut in omnibus, quoad eius fieri poterit, diuina gratia aspirante, eum imitari, & sequi, cum uera sit uia, quæ dicit homines ad uitam, uelimus.

13 *Vt melius ad hunc perfectionis gradum in spirituali uita tam pretiosum perueniat, maius, ac impensis studium cuiusque sit querere in domino maiorem sui abnegationem, & continuam in rebus omnibus, quoad poterit, mortificationem.*

In ex. c. 4.
§. 46.

14 *In exercendis officijs abiectis, & humiliibus pròptius ea suscipi cōuenit a quibus sensus magis ab horrebit: si quidē iniunctū fuerit, ut in eis se exerceat.*

In ex. c. 4.
§. 28.

15 *Anteuertere oportet tentationes adhibitis earum contrarijs: ut cum quis animadueritur ad superbiam esse propensus, exerceri is debet in rebus abiectioribus, quæ ad humiliandum ipsum utiles futuræ uideantur: & sic de alijs prauis animæ propensionibus.*

Par. 3. c. m.
§. 13.

16 *Omnis constanti animo incumbamus, ut nihil perfectionis, quod diuina gratia consequi possumus in absoluta omnium constitutionum obseruatione, nostrique instituti peculiari ratione adimplenda prætermittamus.*

De perfectionis,
solidarumq;
uirtutum
Studio .

Par. 6. c. i.
§. 1.

17 *Omnis, qui se Societati addixerunt in uirtutum*

P. 10. §. 2.

TO SAMMARIUM

tum solidarum, ac perfectarum, & spiritualium rerum studium incumbant: ac in huiusmodi maius momentum, quam in doctrina, uel alijs donis naturalibus, & humanis constitutum esse ducant: Hæc enim interiora sunt, ex quibus efficaciam ad exteriora permanare ad finem nobis propositum oportet.

P. 3. c. I.

§. 26.

18 Omnes reclam habere intentionem studeant non solum circa uitæ sua statum, uerum etiam circa res omnes particulares, id semper in eis sincere spectantes, ut seruant, & placeant diuine bonitati propter se ipsam, & propter caritatem, & eximia beneficia, quibus præuenit nos potius, quam ob timorem pœnarum, uel spem premiorum (quamuis hinc etiam iuuari debeat) & in omnibus querant Deum exuentes se, quantum fieri potest, amore omnium creaturarum, ut affectum uniuersum in ipsarum Creatorem conferant, eum in omnibus creaturis amando, & omnes in eo iuxta sanctissimum, ac diuinam ipsius uoluntatem.

P. 3. c. I.

§. 21.

19 In concionibus domesticis de ijs crebro tractent, quæ ad sui abnegationem, & in uirtutibus profectum, & omnimodam perfectionem attinent, ad ea se inuicem exhortando, & præcipue ad unionem & caritatem fraternalm.

P. 3. c. I.

§. 22.

20 Magnopere conferet, deuote, quoad fieri poterit, ea munera obire, in quibus magis exercetur humilitas, & caritas. Et in uniuersum loquendo, quanto aliquis se arctius Deo astrinxerit, & liberiorem

raliorem erga summam maiestatem se praestiterit,
tanto eum in se liberaliorem etiam experietur: &
ipse in dies magis idoneus erit ad gratias, & dona
spiritualia uberiora recipienda.

21 Postquam aliquis in corpus Societatis cooptatus fuerit in aliquo gradu, ad alium progredi cura §. 5. & in re non debet, sed in suo perfici, & obsequio Dei, & ex. c. 6. §. 5. & 6. gloria sese impendere.

22 Omnes sum tempus rebus spiritualibus im- De cura in
pendant, & deuotioni querenda pro mensura gra- terioris ho-
tiae Dei ipsis communicate insistant. minis.

23 Ab illusionibus demonis in suis spirituali- par. 3. c. 1.
bus exercitationibus caneant, & se contra om- §. 20. & p.
nentes tentationes tueantur: simul rationes sciant, quæ 4 c. 4. §. 3.
adhiberi possint, ut eas superent: & ad ueras, soli & 4.
dasque uirtutes consequendas insistant: siue plures
adsint visitationes spirituales, siue pauciores: curent. par. 3. c. 1.
uero semper in via diuini seruitij progressum facere. §. 10.

24 Paupertas, ut murus religionis firmus di- De pauper-
ligenda, & in sua puritate conseruanda est, quan- tate p. 6. c.
tum diuina gratia aspirante fieri poterit. 2. §. 1.

25 Diligant omnes paupertatem, ut matrem, Par. 3. c. 1.
& iuxta mensuram sanctæ discretionis suis tem- §. 25.
poribus eius effectus aliquos experiantur: nullaque d ibidem.
re tanquam propria utantur: & paratique sint §. 7.
ad mendicandum ostiatim, quando uel obedientia, e Par. 6. c.
uel necessitas id exiget. 2. §. 10.

26 Victus, uestitus, & lectiratio erit ut pau- In ex. ca. p.
peril us §. 26.

peribus accommodata: & unusquisque sibi persuadeat, quod quæ uilissima erunt ex ijs, quæ domi sunt, ei tribuentur propter ipsius maiorem abnegationem, & spiritualem profectum.

Par. 3. c. 27 Intelligent omnes, quod mutuo dare, & accepere, uel dispensare quidquam de ijs, quæ domi sunt minime possunt, nisi Superior conscius consensum præstiterit.

Par. 6. c. 2. 28 Omnes, qui sub obedientia sunt Societatis, meminerint se gratis dare debere, que gratis accepterunt, nec postulando, nec admittendo stipendium, uel eleemosynas villas, quibus missæ, uel confessiones, uel prædicationes, uel quodvis aliud officium ex ijs, quæ Societas iuxta nostrum institutum exercere potest, compensari uideatur: ut sic maiori cum libertate possit, & proximorum ædificatione in diuino seruicio procedere.

De castitate 29 Quæ ad uotum castitatis pertinent, interprete, sensuū tatione non indigent, cum constet, quam sit perfecte custode obseruanda, nempe enitendo angelicam puritatem imitari & corporis, & mentis nostræ munditiam.

Par. 6. c. 30 Omnes diligissime current portas sensuum suorum (oculorum præcipue, aurium, & linguae)

I. §. 1. **Par. 3. c.** ab omni inordinatione custodire, ac se in pace, & pura humilitate interna conseruare, & eam in silentio, cum id obseruandum est: cum autem loquendum in circumspectione, & ædificatione uerborum,

I. §. 4. & modestia vultus, ac maturitate incessus, motuumque

etiamque omnium sine ullo impatientiae, aut superbiae signo exhibere, in omnibus procurando, atque optando potiores partes alijs deferre, omnes in animo suo tanquam sibi superiores ducendo, & exterius honorem, ac reuerentiam, quam exigit cuiusque status cum simplicitate, & moderatione religiosa exhibendo: atque ita fiat, ut se mutuo considerantes in deuotione crescant, Deumque dominum nostrum laudent, quem quisque in alio, ut in illius imagine agnoscere studeat.

3.1 In refectione corporis curandum est, ut temperantia, modestia, & decentia interior, & exterior in omnibus obseruetur. Præmittatur benedictio, & sequatur actio gratiarum, quas omnes agere debent cum ea, qua pars est, deuotione, & reuerentia. Et dum corpus edendo reficitur, sua etiam animæ refectio prebeatur.

3.2 Expedit in primis ad profectum, & ualde necessarium est, ut omnes perfectæ obedientie se dedant, Superiorem (quicunque ille sit) loco Christi domini nostri agnoscentes, & interna reuerentia, & amore eum prosequentes: nec solum in executione externa eorum, que iniungit integre, prompte, fortiter, & cum bimilitate debita, sine excusationibus, & obmurmurationibus obedient, licet difficultia, & secundum sensualitatem repugnantia inubeat: uerum etiam conentur interior resignationem, & ueram abnegationem propriæ voluntatis,

tatis, & iudicij habere, uoluntatem, ac iudicium suum cum eo, quod Superior vult, & sentit, in omnibus rebus (ubi peccatum non cerneretur) omnino conformantes, proposita sibi uoluntate, ac iudicio Superioris pro regula sue uoluntatis, & iudicij: quo exactius conformentur primæ, ac summae regulæ omnis bonæ uoluntatis, & iudicij, quæ est æterna bonitas, & sapientia.

Par. 1.ca.

10. S. 5.

33 Liberam suu ipsorum, rerumque suarum dispositionem omnes cum uera obedientia Superiori relinquant, nihil ei clausum, ne conscientiam quidem propriam tenendo, non repugnando, non contradicendo, nec ulla ratione iudicium proprium ipsius iudicio contrarium demonstrando: ut per unionem eiusdem sententiae, & uoluntatis, atque per debitam submissionem melius in diuino obsequio conseruentur, & progrediantur.

Par. 6.ca.

1. S. 1.

34 Omnes obedientiam plurimum obseruare, & in ea excellere studeant: nec solum in rebus obligatorijs, sed etiam in alijs: licet nihil aliud, quam signum uoluntatis Superioris sine ullo expresso precepto uideretur. Versari autem debet ob oculos Deus Creator, ac dominus noster, propter quem homini obedientia præstatur: & ut in spiritu amoris, & non cum perturbatione timoris procedatur, curandum est.

Par. 6.c. x.

S. I.

35 Ad Superioris uocem perinde, ac si a Christo domino egrederetur, quam promptissimi simus, re qua-

re quauis, atque adeo litera a nobis inchoata, nec dum perfecta studio celeriter obediendi relicta.

36 Adeum scopum uires omnes, ac intentionem
in domino conuertamus: ut sancta obedientia tum
in executione, tum in uoluntate, tum in intellectu
sit in nobis semper omni ex parte perfecta, cum
magna celeritate, spirituali gaudio, & perseveran-
tia, quicquid nobis iniunctum fuerit, obeundo, om-
nia iusta esse nobis persuadendo, omnem sententiam,
ac iudicium nostrum contrarium cæca quadam obe-
dientia abnegando.

37 Quisque sibi persuadeat, quod, qui sub obe-
dientia uiuunt, se ferri, ac regi a diuina prouiden-
tia per superiores suos sinere debent perinde, ac si ca-
dauer essent, quod quoquo uersus ferri, & quacunque
ratione tractari se sinit: uel similiter, atque Senis ba-
culus, qui ubiunque, & quacunque in re uelit eo
uti, qui eum manu tenet, ei inseruit.

38 Adimplere quisque debet quasuis pœnitentias, que propter defectus, & negligentiam suam, uel quidnis aliud fuerint iniunctæ. Pœnitentias ue-
ro huiusmodi prompta uoluntate admittere deberet
cum uero emendationis, & spiritualis projectus de-
siderio, etiam si propter defectum non culpabilem
iniungerentur.

39 Cum aliquis ad ministeria culinæ obeunda in-
greditur, uel ad eum uiuandum, qui coquus est, eidē
obedire cum magna humilitate in rebus omnibus ad
ipſius

¶ Par. 3.c. 1. ipsius officium pertinentibus debet. & Atque ualde necessarium est, ut omnes non solum Superiori societatis, uel domus, sed etiam subordinatis officialibus, qui ex illo auctoritatem acceperunt, obedient: & assuecant non intueri, quis ille sit, cui obediunt, sed potius quis ille propter quem, & cui in omnibus obediunt, qui est Christus dominus.

¶ Par. 3.c. 1. Si aliquis ex ijs, qui domi sunt, cuiquam scriberet non nisi obtenta facultate, & literis ei ostensis, quem Superior destinauerit, id faciet. Si ad eundem litera mitterentur, ei primò redditur, qui a Superiori fuerit constitutus: qui eas lectas redder, aut non reddit illi, ad quem sunt destinatae: prout in domino expedire ad maius ipsius bonum, & Dei gloriam existimabit.

De reddenda sui ratione. Quicunque hanc Societatem in domino sequentur, & in eadem ad maiorem Dei gloriam manere sub sigillo confessionis, uel secreti, uel quacunque ratione ei placuerit, & ad maiorem ipsius consolationem fuerit, debet conscientiam suam magna cum humilitate, puritate, & caritate manifestare, re nulla, qua dominum uniuersorum offenderit celata: & totius anteactae uitæ rationem integrā, uel certe rerum maioris momenti Superiori, qui tum fuerit, Societatis, uel cui ex Præpositis, uel alijs ex inferioribus ille iniungeret (prout magis conuenire videatur) reddat & sexto quoque mense rationem hanc sui ab ultima, quam reddiderit, incipiendo quisque

que reddet. ^h Sic etiam uidetur, quod coadiutores
rformati, & professi singulis annis, vel crebrius,
r si Superiori uidetur, sua conscientiarationem di-
cto modo ei reddant.

42 Nullam debent celare temptationem, quam ^{par. 3. c. I.}
Prefecto rerum spiritualium, vel Confessario, vel ^{§. 12.}
Superiori non aperiant, Imo uero totam animam
suam illis integre manifestam esse pergratum ha-
beant: nec solum defectus aperiant, sed etiam pœ-
nitentias, vel mortifications, & deuotiones, ac
uirtutes omnes, uoluntate pura optantes ab illis di-
rigi, sicuti a rectitudine deflecterent, nolentes suo
proprio sensu duci, nisi conueniat cum iudicio illo-
rum, quos Christi domini nostri loco habent.

43 Idem sapiamus, idem, quoad eius fieri pos-
sit, dicamus omnes iuxta Apostolum. Doctrinæ
igitur differentes non admittantur, nec verbo in
concionibus, vel lectionibus publicis, nec scriptis
libris (qui quidem edi non poterunt in lucem sine
approbatione, atque consensu Præpositi Generalis).
Imo & iudiciorum de rebus agendis diuersitas, que
mater esse solet discordia, & inimica unionis uolun-
tatum, quantum fieri potest, evitari debet. Unio
uero, & conformitas mutua diligentissime curan-
da est, nec, que ei aduersantur, permittenda: quo
iuncti inuicem fraternæ caritatis uinculo melius,
& efficacius possint se diuino obsequio, & auxilio
proximorum impendere.

^{De unione,}
^{& confor-}
^{mitate mis-}
^{tua.}

B 44 In

TAR. I. 8.

§. 13.

44 In Societate nec sit, nec sentiatur animorum propensio ad partem alterutram factionis, que eiset fortassis inter Principes, uel Dominos Christianos: sed sit potius quidam uniuersalis amor, qui partes omnes (licet sibi inuicem contrarie sint) in Domino nostro amplectatur.

de otio, &
seculari-
bus negotijs
uitandis.

p. 3. cap. 1.

§. 6.

par. 6. c. 3.

§. 7.

45 Omnes quamdiu corpore bene ualent, in spiritualibus, uel exterioribus rebus habeant, in quo occupentur: ne otium malorum omnium origo, quo ad eius fieri possit, domini nostre locum habeat.

46 Ut plenius possit Societas rebus spiritualibus iuxta suum institutum uacare, quo ad eius fieri poterit, a negotijs secularibus abstineat (qualia sunt testamentariorum, uel executorum, uel procuratorum rerum ciuilium, aut id genus officia) nec ea illis precibus adducti obeunda suscipiant, vel in illis se occupari simant.

Qua ratio
habēda ua-
letudinis.

par. 3. c. 2.

§. 1.

47 Ut nimia sollicitudo in ijs, quae ad corpus pertinent, reprehensibilis est: ita cura moderata tuenda ad diuinum obsequium valetudinis, ac vi- rium corporis laude digna, & ab omnibus adhibenda est: Et ea de causa cum animaduerterint ali- quid sibi nocere, uel aliquid aliud necessarium es- se circa viictum, uestitum, habitationem, officium, aut exercitationem, & sic de alijs rebus admoneant omnes ea de re Superiorē, vel quem ad id Supe- rior constituerit, duo interim obseruantes: Primum, ut antequam ad eum quid referant, se ad orandum recipiant,

recipient, & post orationem si senserint rem defe-
rendam ad Superiorum, id faciant: Alterum, ut
cum uerbo, aut scripto breui (ne excidat memoria)
Superiori rem exposuerint, ei totam curam rei ex-
posuita relinquant: & quidquid ille statuerit, opti-
mum ducant: nec contendere, aut virgere per se,
uel alium (sive concedatur quod petitur, sive non)
pergant: quandoquidem sibi persuadere debent id
magis expedire ad diuinum obsequium, ac suum ma-
ius bonum, quod Superiori re intellecta, in domino
risum fuerit.

48 *Vt non expedit tanto labore corporali quem-
quam onerari, ut spiritus obruatur, & corpus de-
trimentum patiatur: ita aliqua corporalis exercita-
tio, qua & trumq; iuuet, omnibus communiter con-
uenit, etiam illis, qui mentalibus exercitijs debent
insistere: qua quidem externis interrumpi deberent
& non continuari, nec sine mensura discretionis
assumi.*

Par. 3. c. 2.

§. 4.

49 *Corporis castigatio immoderata esse non de-
bet, nec indiscreta in uigilijs, & abstinentijs, & alijs
pænitentijs externis, ac laboribus, qua & nocumen-
tum afferre, & maiora bona impedire solent. Ideo
suo confessario detegi ab unoquoque conuenit quid-
quid in hac parte faciat.*

Par. 3. c. 2.

§. 5.

50 *Aegritudinis tempore non solum obseruare In ex. o. 4.
vnuquisque obedientiam magna cum puritate de-
bet erga Superiores spirituales, vt ipsius animam
§. 3. regant:*

B 2 regant:

regant: sed cum eadem humilitate erga medicos corporales, & infirmorum praefectos, ut corpus eius regant.

In ex. c. 4.

§. 32.

51 Præterea qui ægrotat humilitatem, & patientiam suam præferendo non minorem adificationem, dum morbo laborat, ijs, qui ipsum inuisent, & cumeo versabuntur, & agent, quam dum valebat corpore, ad maiorem Dei gloriam præstare

¶ Tar. 3. c.

§. 17.

curet, i verbis pijs, & ad adificationem facientibus utendo, quæ ostendant ægritudinem acceptari, ut donum de manu Creatoris, ac domini nostri: quandoquidem non minus donum est, quam sanitas.

De consti-

tutione, ac

regularum

obserua-

tione

Par. 10.

§. 13.

Tar. 3. c. 1.

§. 33.

52 Omnes demum obseruationi Constitutionum studeant: ad quam easdem scire saltem, quæ ad quem libet pertinent, necesse est. quare legere, vel audire easdem singulis mensibus oportebit.

53 Aliquoties singulis annis omnes à Superiore sibi pœnitentias iniungi propter defectum obseruationis Regularum petant: ut hæc cura indicium sit illius, quam de suo profectu spirituali in via Dei quisque habet.

REGV.



REGVLAE COMMUNES.

Qua qnif.
que erga se
seruare de
beat.

- 1 **I**NGVLI præfinitum sibi tempus
sue conscientiæ bis quotidie examinanPar. 4.c. 4.
da, orationi, meditationi, lectioniq;§. 3. & 4.
impendant cum omni diligentia in Domino.
- 2 Omnes quotidie sacro decenter intersint, &Par. 4.c. 4.
concionem, lectionemq; sacram, cum in templo no-§. 3. & 4.
stro habebitur, audiant.
- 3 Singuli statuto die, & assignato sibi confessario
confiteantur, & non alteri sine Superioris facultate.par. 6. c. 3.
- 4 In abstinentia sextæ feriæ Societatis consuetu-bul. 3.
do seruetur.
- 5 Nullus mortificationem publice faciat, nec
concionetur, nisi superiore approbante.
- 6 Nemo pecuniam apud se habeat: apud alium
vero nec pecuniam, nec quicquam aliud.
- 7 Libros nemo habeat sine facultate^a: in ijs ve-
ro, quibus utilicet, nec scribat quicquam, nec no-
tam ullam imprimat.
- 8 Nemo rem ullam ex domo, uel ex alterius cu-
biculo sibi usurpet, aut ab externo donatam, com-
modatamue sibi, aut alij accipiat, sine Superioris
licentia.

B 3 9 16

9 Ad maiorem vniونem eorum, qui in societate vivunt, mainsque auxilium eorum, apud quos habitant, singuli addiscant eius regionis linguam, in qua resident, nisi forte ipsorum nativa illuc esset
 b T. 4. c. 6. §. 13. utilior: b saluatamen latini sermonis lege in ijs, qui literis dant operam.

10 Cui fuerit alicuius rei cura comissa, si impedimentum aliquod interuenerit, mature admoneat aliquem ex Superioribus, ut prouideat.

11 Nullus ita cubiculum suum claudat, quin aperiri extrinsecus possit, aut arcum, seu quicquam aliud habeat obseratum absq; Superioris facultate.

c P. 3. c. 2. lir. E. 12 Aperta fenestra nemo noctu dormiat, nec sine induso, aut non coopertus.

13 Nemo cubiculo egrediatur, nisi decenter vestitus.

In ex. c. 6. §. 6. 14 Nemo eorum, qui ad domestica ministeria admittuntur, aut legere discat, aut scribere, aut si aliquid scit, plus literarum addiscat: nec quisquam eum doceat sine Prepositi Generalis facultate: sed satis ei erit sancta cum simplicitate, & humilitate Christo Domino nostro seruire.

par. 4. c. 15 Signo campana constitutis horis auditio, omnes statim uel imperfecta litera relicta ad id, ad quod uocantur se conferant.

10. §. 9. 16 Ut consilatur valetudini, nemo extra consueta tempora bibat, nec extra domum vibum sumat absque facultate superioris.

Qui

17 Qui male se habere præter solitum senserit, par. 3.c.2.
§. 6.
id infirmario, vel præfecto infirmorum, aut Superiori referat: nemo vero medicinam ullam accipiat,
aut medicum eligat, vel consulat, nisi approbante Superiori.

18 Singuli, etiam si Sacerdotes sint, cum pri-
mum surgunt, lectum operiant, eumque, & reli-
qua componant hora consueta: & scopis cubicu-
lum uerrant tertio saltem quoque die, exceptis ijs,
qui ob occupationes maioris momenti, aut ualetu-
dinis causa, indicio superioris subleuandi sunt.

19 Mundities, que & ad valetudinem, & ad ædi-
ficationem consert, omnibus curæ sit, tam circa
se ipsos, quam circa alia omnia.

20 Singuli has regulas, & officiorum suorum
habeant, atque intelligent sibi faciant familia-
res, ac earum memoriam mensibus singulis eis le-
gendis, uel audiendis renouent: qui tamen peculia-
ria ministeria coadiutorum obeunt, eas, quæ ad ip-
sorum officia pertinent singulis hebdomadis repe-
tant.

21 Qui grauem temptationem alicuius nouerit, Su-
periorem admoneat, ut ei ipse pro paterna in suos
cura, ac prouidentia conuenienti remedio possit oc-
currere.

22 Quæ à Superioribus circa administrationem
agenda sunt, iено curiose ab alijs exquirat; aut
coniecturam faciendo de ijs sermonem misceat; sed

B 4 unus

unusquisque sibi, ac muneri suo attendens, quicquid de se, atque alijs constituendum erit, tanquam de manu Dei expectet.

23 Omnes caput aperiant suis superioribus, & sacerdotibus ijs, qui sacerdotes non sunt, discipuli etiam suis praeceptoribus. Vnusquisque autem superiores alloquatur magna cum reverentia: is verò, quem superior alloquitur, aut reprehendit, humiliter, & sine interpellatione audiat.

24 Si cui a superiore denegatum aliquid fuerit, alium superiore ne adeat super eare, quin ei aperiat, quid sibi ab alio fuerit responsum, & quas ob causas negatum.

Seruanda
erga dome-
sticos.

25 Extra tempora recreationi assignata hac ratione silentium seruandum est, ut nemo loquatur, nisi obiter, & per paucis, aut de rebus necessarijs, praesertim in Ecclesia, sacristia, & Refectorio: in missa uero, concione, mensa lectionibus, & disputationibus, si quid priuatim dicere necesse erit, breuissime, & submissa uoce suggeratur.

Par. 1.c. 26 Nemo prater eos, qui a superiore deputati fuerint, loquatur cum ijs, qui in prima probatione versantur: excipiuntur tamen visitatæ salutationes, quas cum alijs alijs obuij fiunt, caritas religiosa exigit.

27 Omnes demissa uoce, ut religiosos decet loquantur: nullusque cum alio contendat: sed si qua in re nobis est diuersa sententia, ea que uidetur manifestan-

nifestanda, rationes modestè, & cum caritate af-
ferantur eo animo, ut suis veritati sit locus, non
ut in ea re superiores videantur.

28 Qui facultate accepta ægrotos inuisent, non
solum demissa voce loquantur, sed tanta etiam mo-
deratione, ut illis molesti non sint, atque de ijs
agant, quæ & exhilarare, & consolari ægrotos,
circumstantesque ædificare in Domino possint.

29 Causent sibi omnes ab illo affectu, quo aliae Par. 10. S.
de alijs nationibus sinistre sentire, aut loqui so- 13.
lent, quin potius & bene sentiant, & peculiari
affectu diuersas a sua nationes prosequantur in Do-
mino: ac proinde nemo bella, contentiones ue inter
Christianos principes in colloquium inducat.

30 Nemo præter eos, quibus per superiorem li- par. 4. em.
cet quicquam alijs iubeat, aliosue reprehendat: aut
quæ domi acta, vel agenda sunt, cum externis com
municet, nisi superiori id probari intelligat. 10. S. 6.

31 In alterius officium nemo se ingerat: in lo-
cum uero alieno ministerio deputatum nullus in-
grediatur sine facultate superioris, aut præfecti il-
lius loci in rebus necessarijs.

32 Nemo in alienum cubiculum ingrediatur si-
ne generali, aut speciali superioris facultate: quod
si aliquis intus sit, non prius aperiat ostium, quam
post pulsum audiat, ingredere, & tandem aperta
sit ianua, quandiu intus una fuerint.

33 Vt ea, quæ religiosos decet, grauitas, & mo-
destia

deſtia retineatur, nemo alium etiam iocō tangat, præterquam in ſignum caritatis amplexando, cum quis aut abit, aut redit peregre.

34 Nemo dum mensæ accumbit, cuiquam ex noſtris præterquam ei ſuperiori, qui præſt toti domui, aut collegio, caput aperiat.

35 Cum aliquid in menſa cuiquam deefit, is qui illi affider, admoneat eum, qui miniftrat.

Seruanda
erga extra-
neos, &
eum foras
eundum
eft.

36 Domini nemo loquatur cum externis, aut alios ad id uocet ſine facultate generali, aut particula- ri superioris.

37 Nemo cuiusquam externi ad domeſticum, aut domeſtici ad externum mandata deferat, aut literas in ſcio Superiori: ſeculare autem rumores, qui foris audiuntur, ne temere, & ſine fructu nar- rentur.

38 Nemo ab externis conſilium petat ſine facul- tate Superioris.

39 Nemo scriptas dabit, aut mittet cuiquam extero, uel domeſtico inſtructions ſpirituaſes, aut meditationes; nec exercitia ſpiritualia ſocie- tatis alicui communicabit; niſi a Superiori id ap- probetur.

par. 6.c.3. 40 Nemo cuiusquam negotij etiam pīj, ſine fa-
§.7. & par. cultate Superioris curam ſiſcipiat, nec ad id ope-
9.c.6. §.4. ram ſuam promittat, aut ſe propenſum oſtendat: ſecularia uero negotia, ut quæ ſunt a noſtro inſtitu- to aliena, & uebementer a ſpiritualibus auocant,
multo

multo magis auersari conuenit.

41 Omnes, pro ratione sui gradus, data commoda occasione, emitantur prijs colloquijs proximum ad meliora promouere; & consilio, ac exhortatione ad bona opera, presertim ad confessionem exercitare.

42 Nullus domo egrediatur, nisi quando, & cum quo socio Superiori visum fuerit.

43 Cum quis facultatem a superiore petit aliquid eundi, simul etiam aperiat quo, & cuius rei causa ire uelit, presertim si prælatus, aut aliud vir primarius conueniendus sit, eademque die referat eidem, quid egerit, sicut ipsum velle intelliget, & res postulauerit.

44 Ingressuri, egreßuriue domo tintinabulum nec uehementius, nec crebrius pulsent, quam par est. Nemo autem nisi consueta domus ianua egrediatur, uel ingrediatur.

45 Qui domo egrediuntur, signabunt sua nomina, que prope ostium domus in tabula descripta sunt, & admonebunt ianitorem, quo sint profecturi.

46 Omnes ante noctem, qui foris sunt, se dormum recipient, nec egredientur ante lucem sine facultate Præpositi, uel Rectoris.

47 Cum quis iter faciens transit per locum, ubi domus, aut collegium Societatis sit, ad aliud hospitium ne diuertat: eiusque qui illic præst obediens.

e Can. 81.
triuu. cong.

dientiae subsit in ijs rebus, quæ ad domus uel collegij disciplinam pertinent.

48 Qui ex uno ad alium locum eiusdem, uel alterius prouinciae societatis ad agenda negotia, uel alia de causa proficiscuntur, ex consilio, et direktione superioris eius dormus, uel collegij, in quo fuerint, res sibi commissas agant.





REGVLAE ALIQVOT,
quæ a nostris in conuersatione,
& præcipue in incessu ser-
uari debent.

1  N*on* conuersatione nostrorum illud in
uniuersum dici potest, ut in omni-
bus externis actionibus appareat
in nostris modestia, & humilitas
coniuncta cum religiosa maturitate: speciatim au-
tem hæc obseruanda erunt.

2 Caput huc illuc leuiter non moueatur, sed cum
grauitate, ubi opus erit, & si opus non sit, te-
neatur rectum cum moderata inflexione in partem
anteriorem, ad neutrum latus defleßendo.

3 Oculos demissos ut plurimum teneant, nec im-
moderate eos eleuando, nec in hanc, aut illam par-
tem circumflectendo.

4 Inter loquendum cum hominibus præsertim
alicuius auctoritatis, non desigatur aspectus in eo-
rum uultus, sed potius sub oculos.

5 Ryga in fronte, ac multo magis in naso eu-
sentur, ut serenitas exterius cernatur, que interio-
ris sit indicium.

6 Labia nec nimis cōpressa, nec nimium diducta.

Totæ

Natura
potius
serenitas

30 REG. QVAE IN CONVERSAT.

7 Tota facies hilaritatem potius præferat,
quam tristitiam, aut alium minus moderatum af-
fectum.

8 Vestes sint mundæ, & cum religiosa decentia
compositæ.

9 Manus si non in sustinenda ueste occupentur,
decenter quietæ teneantur.

10 Incessus sit moderatus sine notabili festina-
tione, nisi necessitas urgeret, in quatamen, quan-
tum poterit, decori ratio habeatur.

11 Omnes denique gestus, ac motus eiusmodi
sint, qui apud omnes edificationem pariant.

12 Si plures simul erunt, ordinem præscriptum
a Superiore bini, uel terni incedendo, seruent.

13 Si loquendum fuerit, meminerint modestia, &
edificationis tum in uerbis, tum in ratione, ac
modo loquendi.

P. 3. c. 1.
§. 4.





REGVLAE PRAEFFECTI ECCLESIAE.

1 VRET, ut Aedituus, regulas suas obseruet, quas Praefectus ipse apud se etiam habeat.

2 Præbeat illi catalogum singulis diebus sabbati, quo dies festi, ac ieuniorum proximæ hebdomade contineantur, ut eum in refectorio recitet in cœna diei dominicæ sequentis.

3 Singulis diebus sabbati uestperi in sacrifistæ scripto proponat, quemadmodum quotidie sacra sint faciendæ a sequenti hebdomada, & quo ordine rem diuinam in altari summo facturi sint, qui ad hoc fuerint designati.

4 Detur opera, ne in altari maximo desit vnquam sacrum, quo tempore celebrari solet, habeatur que ratio, ne plura sacra simul inchoentur, sed commode omnia suis spatijs distinguantur.

5 Curam gerat Missarum, & orationum, quæ pro defunctis societatis, ^a & pro fundatoribus, ^{P. 6. c. 1.}
^b & benefactoribus, ^{§. 3.} ac pro ipsa societate fieri debent, quas ex subiecto catalogo intelliget; & catalogum earum, quæ secundum nostrum institutum, & ex prescripto generalis ordinarie facien-

^a p. 4. c. 1.
^b §. 1. & p.
7. c. 4. §. 3.
& 4.
b p. 10. §. 1.

ciendæ sunt, referat in duas tabellas, quarum alteram appendat in sacristia pro sacerdotibus, alteram in conuenienti loco pro cæteris; quæ initio cuiusque mensis publice in refectorio legetur.

6 Cum Superior orationem in sacro, aut sacra ipsa, quæ ab omnibus facienda sint, applicari ad finem aliquem iusserrit, curet scribi in schedula in Sacristia affigenda.

7 Quacunque autem ex his non ab omnibus facienda erunt, ea Praefectus unicuique priuatim significanda curabit.

8 Librum habeat, ubi mandata Superiorum de his rebus, si aliquandiu duraturæ, aut non statim facienda sint, scribantur, ne memoria excidant, & cum fuerint adimpta deleantur.

P. 4. c. 1
6.3. 9 Curet iuxta ordinem Superioris de candela danda fundatoribus collegiorum, & domorum probationis, iuxta constitutiones.

10 Si quando externi sacra aliqua fieri postularerint, se superiorem consulturum respondeat; nisi eius animum perspectum iam habeat.

11 Externos Sacerdotes ad faciendum sacrum in nostro templo non sine delectu admittat, sed eos tantum, qui adificationi sint, præsertim nos, idque iuxta ordinem Superioris: & intelligat an a suo Ordinario legitimam habeant facultatem.

12 Videat, an Sacerdotes regulas suas obseruent,

uent, & num barbam, & coronam decenter tonsam habeant.

I 3 Per se, uel per alium a Superiore designatum promouendos ad Sacerdotium instruere curet, §. 2.
 & videat, ut ad Romanæ Ecclesiæ ritum se, & omnes Sacerdotes accommodent, & ne confessiones audiant, nisi sint legitime approbati.

I 4 d. Animaduertat, ne vllæ pro sacris faciendis, aut confessionibus audiendis eleemosinæ admittantur.

I 5 Nulla sit in Ecclesia arcula, in quam eleemosinæ coniijciantur, siue pro nobis, siue pro alijs.

I 6 Det operam, ut sanctissimum Domini nostri Corpus decenter in custodia conseruetur, diligenter cauens, ne vñquam in ea Sacramentum defit, habita communicantium ratione; & ut saltem decimoquinto quoque die innouetur, & sacris absolutis in tabernaculo clavi obseretur.

I 7 Quando nostri in templo communicauerint, curet Praefectus, ut id faciant separatim ab externis.

I 8 Oleum Sanctorum, ut oportet, asservatum singulis annis renouet, & sanctorum reliquias (quæ quidem mobiles fuerint) in tabernaculo ad id deputato decenter custodiat: si quando autem deuotio- nis causa ostendenda erunt, duo cerei accendantur; atque huic tabernaculi clauem vnam ipse habeat, & alteram diuersam Prepositus, aut Rector.

I 9 Cruces, calices, ornamenti, & reliqua id gen-

nus,

P. 4. cap. 8.

§. 2.

c P. 7. c. 4.

§. 5.

d In ex. c.

§. 3. &

p. 6. cap. 2.

§. 7. & p.

10. §. 5.

T. 6. ca. 2.

§. 8. & C. 2.

6. tr. c. 2.

nus, ut par est, custodiantur, nec desint velamina ad cooperiendos calices, & alia ad diuinum cultum, & ornatum necessaria.

20. Mutari faciat altarium, & Sacerdotum ornamenta, quo ad colorem attinet, habita temporum, & festorum ratione, iuxta ritum Romanae Ecclesiae.

21. Cum templum ornandum fuerit, nihil sine facultate superioris ad eam rem commodato ab extensis petat, detque operam, ut quod acceptum fuerit, accurate custodiatur, & dominis quamprimum reddatur.

22. Si templum instauratione aliqua in parte indignerit, aut alijs ad diuinum cultum necessarijs, prouideat, sicut ipsi à superiore fuerit prescriptum.

*Par. 4. c. 8.
lit. C.* 23. Superiori in memoriam redigat, ut aliquos designet, qui de concionibus, & modo concionandi iudicare possint, quorum saltem unus concioni intersit, ut concionatorem, cum opus fuerit, & superiori videbitur, admonere possit.

24. Conciones, & lectiones templi horae spatium superare non debent: eo uero ordine missa dicantur, ne impedian, quominus conciones tempore praesertim inchoentur.

25. Aduertat, ne uiri in templo mulierum locum occupent, neue ex aduerso earum, quantum fieri poterit, maneant.

26. Curet, ne domi desint Confessarij, qui necessaria

vij

*rī in templo nostro sunt, & ut confessiones uespera
decenti hora absolvantur.*

27 Pridie Palmarum Confessarios admoneat,
ut constitutionem illam obseruent, quae ad exteros
ad suas Parochias dimittendos Eucharistia sumen-
da gratia pertinet, & ante id tempus, si consuetu-
do regionis id postulauerit.

28 Officia hebdomadae sanctæ, & vespere (si
hæ dicentur) fiant tono simplici more Societatis, si-
ne cantu etiam firmo, nisi ubi Generalis Propri-
tus dispensauerit: id autem, quod de vespere dictum
est, de benedictione candelarum, & ramorum in-
telligatur.

29 Cum aliquid petendum erit pro Ecclesia, aut
usu sacristiæ, intelligat in ea re superioris uolunta-
tem, eamque exequatur; cumque pecunia alicuius
momenti summa dabitur, aut colligetur, eam depo-
nat apud Procuratorem in scrinio aliquo, cuius
clauem unam superior habeat, & alteram diner-
sam ipse Praefectus.

30 Librum habeat, in quo eleemosinarum, que
pro Ecclesiæ vībis dantur, & expensarum ratio-
nes constent.

31 Panni omnes linei semper mundi seruentur,
& separatim corporalia, atque etiam purificatoria
(que quatuor crucis in angulis habeant) lauentur,
& utrorumque ablutio, & cineres eorum, que ve-
tustate consumpta comburuntur, in sacram pisci-

C 2 nam

nam mittantur.

32 Catalogum vnum rerum omnium Ecclesie mobilium custodiat; in altero uero illa scribantur, quæ aut noua sibi traduntur cum die, anno, &c. aut uetus state consumuntur, ut possit, cum exigeretur, prioris catalogi rationem reddere: sape etiam res pretiosiores inspiciet, ne aut ledantur, aut amittantur, arcis in quibus seruantur, & sacrificiæ ianuis bene clausis, & munitis.

p.6. cap.4.
lit. B

33 Cum nostrorum aliquis extremum diem obierit, spatio diei naturalis decenter teneatur, nisi ratio ne mali odoris anteuerti hoc tempus Superiori vi deretur.

Can. 7.2.11.
cong.

34 Qui Sacerdotes non sunt, sepeliantur eo modo induiti, quo alijs externi clerici honesti, qui Sacerdotes non sunt, indui solent.

p.6. cap.4.
§.3. & Cā.
¶.3.11.cong.

35 Curam suscipiet sepulchri, candelarum, & precum, quæ consueto more dicuntur, rerumque ceterarum, quæ ad eam rem erunt necessariae.



CATALOGVS MISSARVM
 & orationum, quas tam Sacerdotes So-
 cietatis Iesu, quam ij, qui Sacerdo-
 tes non sunt, dicere debent.

SACRA IVX-
 ta nostrum institutum
 a Sacerdotibus So-
 cietatis ordinarie
 facienda.

ORATIONES
 iuxta nostrum institu-
 tum, ab ijs, qui Sacer-
 dotes non sunt ordi-
 narie faciendæ.

Singulis annis.

I N principio cuiusq; Par. 10.
 anni unusquisque Sa §. 1.
 cerdos missam celebret
 pro nostra Societate.

Singulis annis.

E T singuli, qui Sacer-
 dotes non sunt, ad
 eandem intentionem in-
 regrum Rosarium Domi-
 ne nostræ, uidelicet cen-
 tum quinquaginta Ave
 Maria, Et quindecim
 Pater noster, aut tres
 coronas recitent.

2 Singulis annis prescri- P. 4. c. 1.
 pto die, in quo memoria §. 2. &
 fundationis Collegij, uel Cā. 113.
 Domus fit, missa cum tr. cōgr.
 solennitate pro fundato-
 re proprij Collegij, uel

Et singuli, qui sacerdo-
 tes non sunt, ad eandem
 intentionem unam coro-
 nam, aut tertiam par-
 tem Rosarij recitent.

€ 3 singuli

*domus, & benefactori-
bus uiuis, & defunctis
celebretur, & reliqui
sacerdotes, qui in colle-
gio, uel domo habitaue-
rint, pro eisdem sua sa-
crificia offerant.*

Singulis mēsibus.

3 In principio cuiusq;^{Par. 10.}
*mensis unusquisque Sa-
cerdos missam celebret
pro nostra Societate.*

4 Initio cuiusque men-^{P. 4. c. 1.}
*sis omnes Sacerdotes, §. 2.
qui in collegio, uel domo
fuerint pro fundatore pro
prij collegij, uel domus,
& benefactoribus uiuis,
& defunctis semel misse
sacrificium offerant.*

**Singulis hebdo-
madis.**

5 Singuli sacerdotes *cā. 73.* Et singuli, qui sacer-
*pro illis de Societate, qui tr. cong.
extra Prouinciam moriū
tur, semel in quauis heb-
domada*

Singulis mēsibus.

Et singuli, qui sacerdo-
tes non sunt ad eandem
intentionem tertiam Rosa-
rij partem, aut unam co-
ronam recitent.

Et singuli, qui sacer-
dotes non sunt, ad eandē
intentionem unam coro-
nam, aut tertiam Rosa-
rij partem recitent.

**Singulis hebdo-
madis.**

Et singuli, qui sacer-
dotes non sunt, ad eandē
intentionem unam coro-
nam, aut tertiam Rosa-
rij

domada Missæ sacrificiū offerant.

6 Singulis hebdomadis, ubi cunque fuerint decem, uel pauciores sacerdotes, pro nostra societate una missa a designato a superiore dicuntur; duæ uero, si fuerint plures quam decem, tres autem, si fuerint plures, quam uiginti, & ita deinceps in reliquis decadibus, si numerus sacerdotum fuerit maior.

7 Singulis hebdomadis pro benefactoribus uiuis, & defunctis propriæ domus, uel collegij, præter eas, quæ pro fundatore dicuntur, una, aut duæ, aut plures missæ pro numero sacerdotum offerantur, seruando ordinem modo predictum.

8 Singulis hebdomadis missa semel pro fun-

rū partem recitent.

Et singuli, qui sacerdotes non sunt, in qua uis hebdomada ad eandem intentionem septem Pater noster, & septem Ave Maria recitent.

Et singuli, qui sacerdotes non sunt, in qua uis hebdomada ad eandem intentionem septem Pater noster, & septem Ave Maria recitent.

Et unus ex ijs, qui sacerdotes non sunt,

C 4 a Super-

fundatore proprij collegij, uel domus, & benefactoribus uinis, & defunctis a designato a Superiore celebretur.

Sacra ab eisdem extraordinarie facienda.

9 Cum primum Societas in Collegij alicuius possessionem uenerit, quilibet Sacerdos ter Sacrum faciat pro superstite fundatore ipsius, ac benefactoribus.

10 Cum ex hac uita idē fundator excesserit, singuli Sacerdotes ter Sacrum pro animabus illius, & beneficiorum faciant.

11 Cum primum Societas in alicuius Domus professe possessionem uenerit, quilibet Sacerdos intra illam Provinciam

a Superiore designatus ad eandem intentionem unam coronam, aut tertiam partem Rosarij recitet.

Orationes ab eisdem extraordinarie facienda.

P. 4.c.1. Et singuli qui Sacerdotes non sunt, ad eandem intentionem Rosarium integrum, aut tres coronas recitant.

P. 4.c.1. Et singuli, qui Sacerdotes non sunt, ad eandem intentionem Rosarium integrum, aut tres coronas recitant.

Cæ. 113. Et singuli, eiusdem Provincie, qui Sacerdotes non sunt, integrum Rosarium, aut tres coronas pro superstite fundato-

ciam ter sacrum faciat
pro superstite fundato-
re ipsius, ac benefactori-
bus, & quando uita fun-
ctus fuerit, alia tria sa-
cra ab eisdem pro ani-
mabus illius, & benefa-
ctorum siant.

12 In domibus, &
collegijs, que saltē ui-
ginti ex nostris alere pos-
sunt, etiam si non habeant
proprium fundatorem,
siant pro ijs uiuis, &
de functis, qui eorum funda-
tionem notabiliter adiuue-
runt, eadem sacra, que
pro fundatoribus ordina-
rie, & extraordinarie fie-
ri solent.

13 In domo, uel colle-
gio, ubi quis de Societa-
te decesserit, singuli Sa-
cerdotes pro eo tria sa-
cra; in alijs uero Prouin-
ciæ locis duo sacra fa-
ciant.

Cum

re, ac benefactoribus;
& quando uita functus
fuerit, alterum Rosa-
rium integrum, aut tres
coronas pro animabus
illius, & benefactorum
recident.

P. 4. c. i.
lit. E. Et singuli, qui Sacerdo-
tes non sunt, ad eandem
intentionem pro eisdem
facere debent easdem o-
rationes, que pro fun-
datoribus ordinarie, &
extraordinarie fieri so-
lent.

Cæ. 73. Et singuli eiusdem do-
tr. cong. mus, aut collegij, qui
Sacerdotes non sunt,
pro eo tres coronas, aut
tres partes Rosarij, pro
alijs uero eiusdem Pro-
uinciae duas coronas.

aut duas partes Rosarij
recitent.

14 Cum de obitu cuiusque nostrorum, qui extra Provinciam obiit, significatur per uniuersam Societatem, omnes sacerdotes in Missis illius animam Deo commendent pro cuiusque deuotione.

15 Omnes sacerdotes carent iuxta constitutiones frequenter orare pro uniuersa Ecclesia, ac pro ipsis praesertim, qui maioris sunt momenti ad eius uniuersale bonum, cuiusmodi sunt principes Ecclesiastici, & seculares, & alijs, qui multum prodeesse, uel obesse bono animarum possunt; & pro amicis, & benefactoribus uniuersitibus, & uita functis, & pro alijs in quorum auxilium peculiariter ipsi,

Cā. 73. Et singuli, qui sacerdotrii congr. tes non sunt, in suis orationibus illius animam Deo commendent, pro cuiusque deuotione.

P. 7.c. 4. Et omnes, qui sacerdoti. §. 3. & tes non sunt, idem iuxta lit. A & constitutiones curare par. 10. debent. lit. B.

fi, & reliqui de Socie-
tate in varijs locis inter-
fideles, & infideles incum-
bunt, & etiam pro ma-
le affectis erga nostram
Societatem.

Sacra ex præscri-
pto P. N. Genera-
lis ab unoquoque
Sacerdote Socie-
tatis ordinarie
facienda.

I 5 V nusquisque sacerdos
singulis mensibus duo
sacra faciat, alterum
pro Indijs, & gentium
conuersione: alterum pro
regionibus Septemtrio-
nalibus, & hæretico-
rum reductione, & in
alijs sacrificijs, & ora-
tionibus eadem Domino
commendabit.

Singulis

Orationes ex præ-
scripto P. N. Ge-
neralis a singulis,
qui Sacerdotes nō
sunt ordinarie
faciendæ.

Et singuli, qui sacerdo-
tes non sunt, unam coro-
nam, aut tertiam par-
tem Rosarij pro Indijs,
& gentium conuersio-
ne, & alteram coronam,
aut tertiam Rosarij par-
tem pro regionibus Sep-
temtrionalibus, &
hæreticorum reduc-
tione recitent, & in alijs
oratio-

orationibus eadem Do-
mino commendabunt.

17 Singulis hebdoma-
dis unusquisque Sacerdos
sacrum unum ad inten-
tionem R. P. N. Gene-
ralis faciat & in alijs sa-
crificijs , & orationibus
eandem Domino com-
mendabit.

Non intendimus per ea , quæ superius re-
censentur , excludi reliqua sacra , & ora-
tiones omnes , quæ pro occurrentibus ne-
cessitatibus a superioribus imponi ad tem-
pus solent .



REGVLAE SACERDOTVM.

- 1  VAE de disciplina religiosa in regulis, & instituto nostro seruanda omnibus proposita sunt, ea sacerdotes, pro ratione sui gradus, sibi præcipue diligenter existiment, & obseruent.
- 2 Divinum officium nitantur attente, deuote, & oportuno tempore recitare.
- 3 Ita uiuere studeant, ut quotidie merito celebrare possint, ad idque conduceat sapius in hebdomada confiteri.
- 4 Cærenonias Missæ ex vsu Romano accurate unusquisque obseruet, in eaque celebranda pronuntiationem, & quamcunque aliam exteriorem actionem ita moderetur, ut non minus aliorum ædificationi, quam propriæ deuotioni seruiat; & ideo semi-horam in faciendo sacro nec multum excedat, neque ita breuis sit, ut illam non expleat.
- 5 Qui in summo Altari sacra facturi sunt, simul atque campanæ se uocantis pulsum audierint, ad vestes sacerdotales induendas se conferant, ut in tempore exire ex sacristia possint.

Salv-

Par. 4.c.8. 6 Salutare tradendæ doctrinæ Christianæ ministerium pueris, ac rudibus, quod a sui origine nostra Societas tanto affectu complexa est, pari omnes studio promouere carent.

Par. 4.c.8. 7 Intelligent sibi ratione peculiari incumbere, ut exercitorum spiritualium, quæ tantopere ad Dei obsequium conferre cernuntur, usum ualde familiarem habeant, quo & alios ad ea suscipienda aducere, & in eo tam utili armorum spiritualium generere tractando dexteritatem habere possint.

8 Omnes ij, quibus ex obedientia confessiones audiendi sanctum munus committitur, multum ad id affici studeant, & tanquam nostri instituti valde proprium magnificiant.

Par. 7.c.4. 9 Nemo ad confessiones audiendas accedat, nisi a Superiore deputatus, & qui simul intelligat, quam facultatem ad hoc munus ab eo habeat.

Par. 4.c.8. 10 Modum ea sacramenta ministrandi, quæ Sacerdotes nostræ Societatis tractare possunt, perspectum omnes habeant, in eoque uniformes sint, **D.** **a Par. 8.c.** quantum regionum varietas patietur; formam tamen, & rationem absoluendi ab excommunicacione, & alijs censuris, & peccatis eandem omnes sequantur; attendantque, ne ex modo utendi facultatibus Societatis Ordinarij, & parochi iure offendendi possint.

Par. 4.c.8. 11 In casibus conscientie, ijsque præsertim, qui **b. D.** ad censuras, casus reservatos, & restitutions pertinent,

tinent, sese diligenter exerceant, earumque rerum compendia, & breuem interrogandi methodum, ac contra singulorum peccatorum species exempla, & dicta sanctorum, atque alia salutaria remedia comparare studeant.

12 Confessarij inter se ipsos, & in modo procedendi cum pœnitentibus conformes esse curent, & quantum res tulerit, ita aliorum Confessariorum existimationi unusquisque consulat, ut omnes intelligant mutuo caritatis, & uniformis doctrina vinculo societatis confessarios in Christo esse colligatos.

13 Vocati ad Ecclesiam ad confessiones audiendas statim cum animi alacritate eo se conferant; & quo maior pœnitentium multitudo futura est, eo magis tempestive ab alijs occupationibus se expediант.

14 In templo confessiones, dum concio fit, uel sacra lectio, nemo audiat.

15 Confessarij ita audiens pœnitentes, ut mutuum aspectum fugiant, sic enim attentius, & liberius audiens; quod silocus non erit eiusmodi, ut tabula confesariorum a confiteente diuidat, manus interposita inter faciem propriam, & confitentem, quia ad latus esse debet, id præstabit.

16 In audiendis confessionibus fœminarum præsertim seueros potius se, quam familiares exhibeant; in uniuersum tamen paterna quedam, & spiritua-

Par. 3. c. I.
§. 18. &
P. 8. c. I. §.
8. & par.
10. §. II.

spiritualis gravitas in eis eluceat.

17 *Eos, qui crebrius confitentur, maxime farnias breuiter expediant, nec de rebus ad confessio-*
nem non pertinentibus in confessione loquantur:
extra confessionem uero, si oportebit eas colloqui,
longum sermonem ne misceant, & oculos mode-
ste demissos habeant.

18 *Quando quis à Superiore mittetur ad confes-*
siones farninarum audiendas, uel alia de causa
^{§ par. 3. c.}
eas adierit, b socius, quem Superior ipsi designa-
^{1. 6. 3.}
bit, quandiu cum farninis Sacerdos loquetur, eo
in loco erit, unde videre eos, sed non, quæ secreta
esse oportet, audire possit, quantum loci dispo-
tio, patietur, quod si non pateretur, curet omni
no Sacerdos, ne ostium sit clausum, nec locus ob-
fcurus.

^{par. 6. c. 3.}
^{§. 5.} 19 *Particularem personarum, præsertim farni-*
narum curam nemo suscipiat, & quamvis confessarii
pro suo munere in uita spirituali pœnitentem
instituat, nullius tamen obedientiam admittat.

20 *Si quis uni confiteri solitus ab eodem aliud*
confessarium adeundi facultatem petierit, uel ea
non petita adierit, id sibi gratum esse confessarius
benigne ostendat.

21 *Vt sanitatis etiam ratio ad Dei gloriam ha-*
beatur, confessiones mane ad horam usque pran-
dij tantum audiant, ita ut cum signum prima men-
sa audiatur, studeant se ita accommodare, ut ad se-
cundam

cundam accedant, nisi forte pœnitentium necessitas aliud exigit.

22 Nemini aut petere, aut accipere quidquam licet sine ab ijs, quorum confessiones audiuerit, siue ab alijs, quod uel in pauperes distribuat, uel alteri satisfactionis nomine restituat; nisi Superior, cum opus esset, secus faciendum indicaret.

23 Etsi uota ad perfectionis statum pertinentia ut sancta laudari debent, & circa ea confessarij consilium, sed magna cum consideratione dare possint: quia tamen non humanam, sed diuinam uocationem requirunt, nemo ad ea emitenda quemquam inducat; uerum licebit ad orationem tales hortari, ut a Deo adiuti uocationem suam melius intelligent, & exequantur.

24 Si quos viderint ad religionem propensos, non facile ad unam, potius quam ad aliam, ad hoc, quam ad illud monasterium inuitent, sed liberam illis suam electionem relinquant: poterunt tamen potentibus consilium eas religiones, uel monasteria proponere, que illis magis commoda in Domino iudicauerint.

25 Nullus eis, quorum audit confessiones certum vestimenti genus, hunc aut illum habitum uel colorem prescribat: tametsi omnes ad honestum, & suo statui conuenientem uestitum hortari possint.

26 Ut pius est ad frequenter communicandum

D. fide-

e In ultimi-
mis regulis
libri exer-
citiorum
reg. 2.

P. 7. c. 4.
lit. D.

par. 4. c. 8.
§. 7. l. G.

fideles exhortari, ita quos ad id propensos uide-
rint, admonere debent, ne crebrius, quam octaua
quoque die accedant, praesertim si matrimonio sint
coniuncti.

27 Admoneant eos, qui sibi confitentur a domi-
nica Palmarum ad dominicam in Albis inclusive,
eo tempore (nisi aliud consuetudo loci postulauerit)
debere semel in sua Parochia communicare, exce-
ptis peregrinis, & ijs, qui facultatem haberent,
& reliquis, quos ius excipit.

28 Qui vocantur ad iuuandos eos, qui morti-
vici sunt, ea in promptu habeant, qua eo tem-
pore, in quo tantum est momenti, usui esse possint,
tamdiuque illis adfint, quandiu sola necessitas po-
stulabit; ceterum eis, cum opus est, agrotos ad
condenda testamenta hortari conueniat, ijs ta-
men conficiendis non affstant.



R E G V



REGVLAE CONCIONATORVM.

1 **R**EGVLAE, quæ Sacerdotibus propositæ sunt, eas sibi Concionatores in primis commendatas existent, nec minore cura, quam ceteri obseruent.

2 Memores sint uocatos se esse ad reducendas animas suo Creatori, quod cum sit opus omnium difficillimum, summo studio media illa adhibeant, quæ instrumentum cum Deo coniungunt: eiusmodi sunt solide virtutes, ac præcipue caritas, pura intentio diuini seruitij, familiaritas cum Deo in spiritualibus deuotionis exercitijs, & zelus sincerus animarum ad gloriam diuinæ maiestatis.

3 Eritantur cum Dei gratia esse ceteris exemplo, ut non minus vita, quam doctrina ad omnem virtutem proximos allicant.

4 Lectioni sacrae scripturæ, ac Patrum præcipue incumbant: conferet etiam peculiari studio uiduisse Euangelia toto anno currentia, & in eis ea, quæ usui esse possunt, adnotasse; itemque compendium fecisse explicationis rerum ad fidem, & Christianam uitam necessariarum, atque in communes locos redegitse omnia, quæ ad uirtutum com-

D 2 menda-

Fondo librario antico dei Gesuiti italiani

www.fondolibrarioantico.it

mendationem, & peccatorum detestationem per-

tinent.

**Tar. 4.c.8.
lit. C.**

5 Conferet uidisse præceptiones, si quas de mo-
do concionandi illi tradunt, qui bene hoc munus
obierunt, bonos audisse prædicatores, & in con-
cionibus domi, uel in alijs locis minus frequenti-
bus se exercuisse.

**par. 4. c.8.
lit. C.**

6 Optare debent, ut admoneantur, si quid in con-
cione corrigendum uidebitur ijs, qui a Superiore
ad id deputati fuerint, & humili, & grato animo
id accipere.

a. In 1.

**Bulla no-
stri institu-
ti, & par.**

s. c. 3. lit.

B. & p. 7.

c. 4. 6. 7.

Par. 4.c.8.

§. 3. & lit.

B.

7 Ita operam suam in celebrioribus concionibus
libenter impendant ^a, ut non minus se ad docen-
dos pueros, & alios rudes instruendos, faciles, &
paratos exhibeant.

8 Si quando occasio tulerit, ut alius eodem tem-
pore concionari uelit, quantum in ipsis erit, liben-
ter cedant.

9 Ea populo proponant, quæ ad captum, & uii-
litatem auditorum erunt accommodata, quæque
spectant ad Christianam institutionem, atque ad
extirpanda uitia, & virtutes inserendas ualent:
& a rerum subtilium curiosa tractatione se ab-
stineant.

**In ultimis
regulis li-
bre exer-
ziorum reg.
secunda.**

10 Commendare debent confessionis, & Eucha-
ristia frequentem usum, in bonis operibus profe-
ctum, & perseverentiam, ecclesiasticarum cere-
moniarum obseruationem, & cetera, quæ ad cul-
tum

tum diuinum pertinent, eamque obedientiam,
que Principibus, & Prälatis, qui Dei in terris vi-
ces gerunt, exhibenda est.

11 Commendabunt etiam peculiaritate pœni- Ibidem re-
teniae, & misericordiae opera, ^b sanctorum pœ- gu. 7.
cum, ^c & aliarum piarum deuotionum exercitia, b Ibidem
utilium librorum lectionem, bonam filiorum edu- reg. 3.
cationem. c Ibidem
reg. 6.

12 Cum experientia doceat, & sanctæ memo- Ibidem re-
riæ Pater Ignatius scriptum reliquerit, nihil uti- gu. 10.
litatis percipi ex ijs concionibus, in quibus prin-
cipes, & magistratus reipub., prälati, & alij ec-
clesiastici in particuliari reprehenduntur, Concio-
natores nostri ab huiusmodi reprehensionibus ab-
stineant.

13 Caeant, ne religiosos aliorum ordinum, quos
reuereri, & obseruare debent, etiam tacite uidean-
tur reprehendere: ^d & quamuis nostros ad ma- d Par. 3. c.
iores in uirtute progressus excitare possint, præ-
sertim in domesticis exhortationibus, reprehен-
sionem tamen alicuius particularis, uel ipsius So-
cietatis ne attingant.

14 Ne rumoribus populi moueantur, ut noua,
& parum confirmata in publicum afferant, &
multo minus ea populo proponant, que alioqui
dubia, & incerta sunt.

15 Curent, ut rationem, & modum, quem
obseruare debent in rebus populo denunciandis,

D 3 &

& certis pauperibus, alijsque pijs operibus commendandis, a Superiore accipiant.

16 Caveant omnino, ne facetijs, aut iniutilium rerum narratione concionem contemptibilem faciant, ijsne auditores ad risum moveant.

17 Ea, quæ dicturi sunt, diligentii premeditatione, & peculiari ad Deum recursu (quatenus per tempus licebit) paranda erunt.

18 Caveant arrogantiam, & ostentationem in concione, humilitatemque, cui ex intimo cordis affectu studere debent, in omni actione præferant: quod si aliquod pro se, aut Societate cogantur respondere, ea modestia satisfaciant, ut causam Christi, non suam agere uideantur.

p. 4. cap. 8.
§. 3.

19 Modus concionandi, qui a scholastico diversus esse debet, ita sit ad docendum comparatus, ut ad animorum motum præcipue dirigatur, cumque questio aliqua earum, quæ ad fidem, aut mores pertinent, modo aliquo tractanda erit, non ita exacte proponantur argumenta, quibus contraria pars confirmatur (nisi auditorium id postulet) ut simpliciores ipso proponendi modo offendi possint, sed eo pacto res exponatur, ut illi ex data explicatione solutionem eorum, quæ sibi in mentem uenerint, aut ab alijs audiuerint, facile colligant.

Ne

20 Ne sint affectati, aut studio politioris sermonis eos libros habeant familiares, ex quorum lectione detrimentum in spiritu accipient, & seculare aliquid redoleant.

21 In laudibus, & reprehensionibus à nimis exaggerationibus, & ab omni specie adulatio[n]is abstineant.

22 Gestus corporis sit modestus, & in quo gravitas quædam religiosa præcipue eluceat, nōceme[n]que accommodent ad res, quas tractabunt, proinde eam, ubi non est opus, ne præter modum extollant, aut depriment.

23 In concionibus, & lectionibus templi spaciū horæ ne excedant.



In declar.
procem. 4.
par. 1. lit.
A. & p. 6.
c. 3. §. 5.

REGVLAE EORVM,
QVI IN MISSIONIBVS
VERSANTVR.

I  *V*M scopus, ad quem tendit Societas, si varias mundi partes, ex obedientia Summi Pontificis, uel Superioris Societatis peragrando, uerbum Dei praedicare, confessiones audire, & reliquis quibus cunque poterit medijs uti ad animas, diuina aspirante gratia, iuuandas; quicunque in huiusmodi missionibus uersantur, sibi persuadeant, rem maximi ponderis in Societate sibi commissam esse, atque ita se comparare studeant, ut apta Dei instrumenta ad rem tantam esse possint.

Par. 3. c. 2 Quia uocationis nostræ est uitam agere in
2. lit. G. & quauis mundi plaga, ubi maius Dei obsequium,
p. 7. c. 1. §. 1. & animarum auxilium speratur, unusquisque paratus esse debet, ut in ea uineæ Christi parte, atque opera se exercet, quod ipsi commissum fuerit, siue per uaria loca discurrendo, siue in quibusdam continentendo.

Par. 7. c. 2. 3 Unusquisque plenam in his, ac liberam sui dispositio-
§. 1.

spositionem Superiori, qui eum Christi loco dirigit, relinquat; ^a poterit tamen motus animi, aut cogitationes, quæ in contrarium occurrunt, illi proponere, subiiciendo suum sentire, & uelle ei, quodipse in Domino iudicauerit.

4 Ei, qui mittendus erit, plurimum conueniet, ^{Par. 7.c.1.}
ut intelligat a Superioribus scopum suæ missionis,
& effectum, cuius gratia mittitur, id quod in scriptis, si fieri potest, habere curabit.

5 Cum oppidatim missi fuerint ad fructificandum in agro Domini, dabunt operam, quoad fieri poterit, ut more pauperum Euangelium prædcent, ^{Par. 7.c.2.}
^b proinde & pedites uel in toto, uel in parte iter facient, si eos Superior id præstare posse iudicauerit, & ex eleemosinis, uel oblatis, uel cum adificatione emendicatis uiuent; nisi alia ipsis a Superiori sustentationis ratio sit constituta.

6 Si nullum eis a Superiori designatum fuerit hospitium, intelligent sibi ad aliquod hospitale, tanquam ad hospitium pauperum esse diuertendum, si tamen honestum id sit, atque ad exercenda ex eo ministeria Societatis accommodatum, alioqui conuenientius erit, ut in domum pij alicuius, & exemplaris ecclesiastici, aliumue eiusmodi locum se recipiant, in quo cum adificatione manere possint.

7 Cum ingressi fuerint loca ea, in quibus Ordinarij resident, eos quamprimum adeant, suam que

^a. Ibidem
lit. K.

§. 5.

lit. G.

^b Can. 92.

que operam illis summisse offerant, & facultatem ad exercenda Societatis ministeria, modeste, e Par. 10. ac religiose petant, & eosque omnes tam ecclesiasticos, pricipue Parochos, quam seculares, quorum auctoritate, aut fauore opus habent, benevolos sibi facere studeant.

§ 13. 8 Cum eo peruererint, ubi diutius immorari debent, prudenter, ac mature operam dabunt, ut notitiam habeant probatorum virorum, & pietate, ac rebus agendis insigniorum, quorum informatione, uel auxilio iuuari possint ad ministeria Societatis maiore cum fructu animarum exercenda.

Par. 7.c.2. 9 Qui in missione Superior erit, initio suscipiendorum operum, uel quando maior subsidij necessitas cernitur, (quod res magni momenti sint, uel difficultates graues incident) applicabit, curabitque applicari Missas, & orationes, ut omnia cedant ad maiorem Dei gloriam, & proximorum utilitatem.

Par. 7.c.3. 10 Si ijs, qui mittuntur, non fuerit iniunctum, ut medio aliquo utantur limitato, quale esset uel legere, uel praedicare, & cetera, in ijs tantum se exercebunt, quibus Societas uti solet, iuxta constitutiones; ^d conserre tamen illa cum eo Superiore, qui eis propior fuerit, semper erit securius.

Par. 4.c.8. 11 Media spiritualia, quibus iuxta institutum

& p.7.c.4.

tum Societatis, & beneplacitum Superioris uti poterunt, fere sunt ministerium uerbi Dei in prædicationibus, sacris lectionibus, priuatisque exhortationibus, & colloquijs, sacramentorum Confessionis, & Eucharistiæ administratio, exercitiorum spiritualium traditio, dissidentium reconciliatio, casuum conscientie ad ecclesiasticos, eorumque officij magis priuata explicatio, & Christianæ doctrinæ ad pueros, ac alios rudes publica declaratio.

12 Corporalibus etiam pietatis operibus, quantum spiritualia permittent, & uires patientur, in cumbere poterunt, ut infirmos, præcipue in xenodochijs per se, uel per alios iuuando, & paupe- res, ac in custodijs detentos, quatenus licebit eodem modo subleuando.

13 Et si certus ordo in nostris ministerijs exercendis prescribi non potest, plerunque tamen utilius erit, & securius ab humilioribus inchoare, ut a doctrina christiana pueris explicanda, ab ægrotis hospitalium inuisendis, eorumque, & aliorum magis indigentium confessionibus audiendis.

14 Quanquam humana media non solum spernenda non sunt, sed etiam cum opus est, prudenter, & religiose adhibenda; diuinis tamen, & nostri instituti magis proprijs præcipue utendum est, in eisque magis fidendum, orandisque Deus, ut ijs omnibus det eam efficaciam, quæ sit proposito fini

con-

consequendo necessaria.

15 Iuxta eam caritatis regulam, qua se Apostolus omnia omnibus faciebat, ut omnes lucrisaceret, expediet nonnunquam, ut ingenio eorum, cum quibus agent, initio se attemperent, (quatenus ratio, & uirtus ferent) ita tamen, ut meminerint ad id tandem eos cum Dei gratia perducere, quod illis in Domino magis conserre iudicabunt.

16 Eam animi magnitudinem, & aequabilitatem retinere studeant, ut & prosperis successibus, & aduersis superiores sint, quo nullo euentu fracti, nec religiose modestiæ, nec sanctæ libertatis, nec bonæ de se conceptæ existimationis, quæ ad fructum colligendum necessaria est, quicquam amittant.

P. 10. lit.
.B

17 Si quos erga se, aut Societatem male affectos esse intellexerint (præsertim non vulgaris auctoritatis homines) aut qui nostra ministeria impedian, non solum pro eis orabunt, sed etiam convenientem aliquam rationem inibunt, ut eos amicos, aut saltem non aduersarios faciant. ad quam rem non parum conferet, si data occasione, instituti nostri rationem illis exponant, nullumque officij genus prætermittant, quo illos, cum opportunitum fuerit, sincere, ac religiose demereri, & conciliare possint.

P. 4. c. 11.
S. 3.

18 Si quando prælatum aliquem in uisitanda diæcesi comitabuntur, nihil se in negotijs ad uisitatio-

tationem spectantibus, alijsue id genus ad iurisdi-
ctionem pertinentibus immisceant, sed ijs tantum
ministerijs attendant, quæ sunt nostri instituti
propria.

19 Quamvis optare debeant, ut in sua quisque
uocatione proficiat, æquumque est, ut pro suo mu-
nere ad eam rem omnes hortentur, nullam tamen
reformandi Cleri, ^c aut Monialium, aliorumue re-
ligiosorum curæ partem admittant, sic enim fiet,
ut \mathcal{E} munus suum sine impedimentoo exequi, \mathcal{E} po-
pulum ad uberiorem fructum ex uisitatione percipi-
dum sine offensione disponere possint.

20 Cum præter id, quod eis fuerit peculiari ra- ^{par. 7.c.1.}
tione iniunctum, res aliqua diuini seruitij se obtu-
lerit, in qua possint sine detrimento suæ missionis
suam operam ponere, opportunitatem, quam Deus
ad eam dederit, quantum in eodem conuenire iu-
dicabunt, e manibus elabi non sument.

21 Si in locis designatis diutius residendum erit, ^{par. 7.c.1.}
locumque dederint præcipua negotia (que nun-
quam propter alias occasiones, licet bonas, di-
uini obsequij posthabebunt) excursiones aliquas
facere, si eas cum fructu fore iudicabunt, non
erit inconueniens.

22 Sine facultate Superioris nulli Confraterni-
tati, Congregationiue statuta condent, seu uerius il-
la sit, seu noua instituenda uideatur. De noua au-
tem instituenda, \mathcal{E} quæ nullibi sit in usu, non prius.

agent.

agent, quam superiorem consulant.

23 Que Deo auctore perficient, ea quantum licebit, ita constituant, ut stabiliasint, & diu durare possint, quod facilius obtinebunt, si res conuenienti ordine disponant, earumq; bonum progressum ijs commendent, quorum exemplo, autoritate studio, & diligentia facile conservari, & promoueri possunt.

Can. 77. 24 Scribent ad eum, quem designauerit ille, a quo missi sunt, singulis hebdomadis, vel quoties ipsis fuerit constitutum, & quantum fieri potest, totius successus eum certiore reddant, quemadmodum persona, & negotia exegerint, ut constilio, & alijs auxilijs innvari possint.

Par. 7. c. 2. 25 Cum nullis occupationibus intermittendum sit a nobis propria perfectionis studium, diligenter animaduertant, ne pretextu procurande aliorum salutis, propriae perfectionis obliuiscantur, ipsamque propriam salutem ea ratione in discrimen adducant, sed sepe illud Domini mente reuolunt, Quid prodest homini, si uniuersum mundum lucretur, anime uero suo detrimentum patiatur; sibique illud Pauli unusquisque dictum existimet, Attende tibi, & doctrinæ, insta in illis, hoc enim faciens & teipsum saluum facies, & eos, qui te audiunt.

26 Hanc ob rem caueant, ne consueta in collegijs, ac domibus orandi, & examinanda conscientie

tie exercitia imminuant, nisi si quando necessitas,
aut in euentu aliquo caritas aliud faciendum postu-
laret. conuersationem cum secularibus nimiam non
habeant, aut incutam, aut quæ secularem sa-
piat, & sed in omnibus se integratis, & gra-
uitatis exemplum præbeant, atque in summa re-
gularum Societatis, sive earum, quæ omnibus com-
munes sunt, sive quæ ipsorum officij propriæ, quan-
tum locus patitur, obseruationem non præter-
mittant.

27. Præterhæc, si proratione diuersarum regio-
num, & missionum qualitate, alia quædam a Su-
perioribus constituenda uidebuntur, ea in peculia-
ribus instructionibus addita, pari diligentia obser-
uanda erunt.



REGV-



REGVLAE PER- GRINORVM.

1 ERSVADEANT sibi peregrinationis finem non tam esse corporis defatigationem, & ut multum iter conficiant, quam ut ex ea fructum aliquem spiritualem percipient, atque ex eo fine, & iter ipsum, & ceteros peregrinationis labores moderentur.

2 Litanias simul omnes quotidie in ipso itineris ingressu, uel itinerarium dicent, nec orationem, & consueta examina prætermittant, & alias etiam regulas obseruent, quantum ratio itineris permittit.

3 Studeant frequenti oratione, & meditatione comitem itineris sibi Christum facere, & colloquijs interdum pijs, & religiosis, ac lectione aliquius libri pij molestias itineris leuare poterunt, quod si cum externis in uia, aut in hospitijs egerint, meminerint pro ratione sui gradus, habitatione temporis, & personarum, sermones de rebus spiritualibus inducere, & fructum aliquem, quoad poterunt, efficere.

In ex. e. 4. 4 Eleemosinas simpliciter pro Christi amore petant,

S. 12.

petant, ut omni spe illa abiecta, quam in pecuniis,
 & rebus creatis habere possint, integre uera cum
 fide, & ardenti amore eam in suo creatore, ac
 Domino constituant, memores a Christo Domino
 Apostolos, sine sacculo, & pera missos, ipsum
 etiam Dominum non habuisse, ubi caput suum
 reclinaret.

5 Indigentia, & penuria rerum corpori necessaria
 riarum probari exoptent, ut ad incommoditatem
 cibi somniue capiendi libenter absuefiant: ^a ini-
 rias uero, illusiones, & opprobria, que illis in ^b 11.
 itinere inferri contigerit, patienter cum Dei gra-
 tia ferant, gaudeantque materiam preberi sibi
 imitandi aliquo modo Christum Dominum, eius
 que uestibus, atque insignibus seipso induendi.

6 Qui maioribus pollent ad uiam peragendam
 uiribus, eos, qui sunt infirmiores, subsequi, & non
 praecedere debent, & iter cuiusque diei horum de-
 bilium infirmitate commensuretur: quod si quis
 uiribus destitueretur, iumento, aut alia ratione in-
 vari debet; qua in re non qualitatis personarum,
 sed necessitatis, & caritatis fraternae ratio est
 habenda.

7 Si quis in morbum incideret, ita ut ulterius
 progredi non posset, nec expediret reliquos ibi
 moram trahere, si uicinum esset collegium, aut
 domus Societatis, eo esset aeger (si modo morbus
 patiatur) deducendus: alioqui aliquis ex nostris illi

E erit

erit socius relinquendus, ut consolatione ei sit, & auxilio: aegro autem uiribus restituto, cæptum iter ambo prosequentur.

8 Si in via ab honesto, & pio amico inuitarentur, posset, qui præst, hospitalitatis beneficium admittere. tunc autem curare debent uerbis, & religioso exemplo hospites edificatos in Dominio relinquere.

9 Eiusdem adificationis, & exempli in omnibus hospitijs meminisse debent: sobrietatis etiam in mensa, & modestia in conuersatione nunquam obliuiscantur.

10 Cum in itinere ad collegia, uel domos Societatis diuertent, studeant omnes bonum adificationis odorem exemplo uitæ, ac morum nostris relinquere.

11 Si transierint per locum, ubi domus, aut collegium Societatis sit, nihil ab externis nec pro se, nec pro alijs petant, aut accipiant, sine facultate Superioris eiusdem domus, uel collegij.

12 Omnes alij, qui iter faciunt ex nostris equites, aut pedites has regulas peregrinorum suo modo, quantum fieri potest, etiam seruent, & tam peregrini, quam reliqui, qui iter faciunt, patentes literas sui Superioris habere curent.

REGVLAE PRAEFECTI lectorum ad mensam.

I **V** RET, ut idonei in lectores mensa
à Superiore destinentur, & eos in-
struat, ut alta, clara, & distincta no-
ce legant.

2 Det operam, ut lector præuideat diligenter le-
ctionem, ut bene, & emendate proferat, & in du-
bijs ad se recurrat.

3 Admoneat lectorem, ut si quid perperam pro-
nunciauerit, correctus repetat, & emendate ite-
rum proferat.

4 Habeat a Superiore assignatos sibi socios, ut
in neutra mensa desit, qui lectorem corrigat, eos-
que iuxta has regulas instruat.

5 Initio lectionis in prima, & secunda mensa
prandij, & cœnæ legatur unum caput de scriptura
sacra noui, uel ueteris testamenti, cui succedat
semper aliquis liber pius, & facilis, iuxta indicem
inferius prescriptum.

6 In celebrioribus festis legatur aliquid, omni-
so capitulo scripturæ ex Patrum homilijs, & tra-
ditatibus, quod ad historiam, & celebritatem fe-
sti pertineat, & a Dominica in passione usque ad

E 2 Pascha

68 REGVLAE PRAEFFECTI

Pascha post lectionem scripturæ de passione Domini tractatus aliquot Patrum de eadem legantur.

17 Cum afferuntur literæ annuae, & indicat quamprimum legantur.

8 Initio cuiuscunque mensis Summarium constitutionum, regulæ communes, & epistola P. N. Ignati de obedientia legantur.

9 Vesperi absoluta lectione, seu prædicatione legatur martyrologium vulgare sequentis diei; quo uero die fit abstinentia, caput unum ex libro de imitatione Christi cum martyrologio, cum uero ieiunatur, nil legatur uesperi, sed martyrologium legatur ad prandium.

Libri diuinæ scripturæ, qui in refectorio legentur.

Ex novo testamento omnia integre legentur.

Ex veteri pentateuchus praeter leuiticum.

Historiales omnes, prophetales, & sapientiales præter cantica.

Libri, qui post lectionem scripturæ legi possunt.

Historia ecclesiastica Eusebij Cæsariensis.

Histo-

Historia ecclesiastica Nicephori Calistii.

D. Gregorij dialogi.

Historia ecclesiastica Bedæ.

Vitæ sanctorum Aloysij Lipomani.

Vitæ sanctorum Surij.

Seuerus Sulpitius de B. Martino.

Gregorius Turonensis de gloria Confessorum.

Selectæ epistolæ D. Hieronymi.

*Chrisostomus de orando Deum, de prouidentia,
& de Sacerdotio.*

Ambrosius de fuga seculi, de bono mortis.

*Augustini sermones, meditationes, confessiones,
& alia eiusdem opuscula, & tractatus.*

D. Bernardi de interiori domo, & aliquot sermones, & tractatus.

Homiliæ Patrum selectæ.

D. Bonaventuræ stimulus diuini amoris.

Thomas de Kempis de imitatione Christi, & aliquot ex eiusdem auctoris opusculis.

Catechismus Romanus.

Literæ Indicæ.

10 *Præter hos auctores poterunt quidem alij legi tum vulgares, tum latini, sed examinati, & approbati a Prouinciali, atque illi esse debent, qui & pietatem promoueant, & uocationis propriæ propositum confirmare possint.*

11 *De singulis libris suo tempore prælegendis.*

E 3 in

R E G V L A E
in mensa iuxta indicem præscriptum, prius conferet
cum Superiore, ut ille constituat quid legendum
sit.

12 Catalogum a Superiore habeat, eorum qui
in refectorio commode concionari poterunt, ex
quibus Superior ipse eligat, qui statim diebus con-
cionentur, & eos præscripto tempore admonebit,
qua de re sint concionaturi.



REGVLAE PRAEFECTI SANITATIS.

Par. 3. c.
2. §. 6.

I R A F F E C T I Sanitatis munus erit
superintendere ijs, quæ ad corporis
bonam valetudinem pertinent, tum
conseruandam in sanis (in ijs præsertim, qui ex
estate, aut alijs de causis sunt debiliores) tum resti-
tuendam in ægotantibus.

2 Præsit Infirmario, & ceteris quibus cura
agrotorum commissa erit, a detque operam, ne de-
sit Medicus, adisque eo veniente, præsertim ubi
morbi qualitas id postulauerit, & quicquid ab eo
præscriptum fuerit, studeat, ut executioni mande-
tur,

tur, & ubi uideret ægrotorum cubicula salubria non esse, ad Superiorum referat.

3 Obseruet, num quis ex nimia fatigatione corporis, aut spiritus plus aequo labore, uel alia de causa morbi periculo se exponat, & Superiori significet.

4 Si in tibis, aëre, frigore, aut alia quapiam in re aliquid probabili ratione animaduertat, quod communi omnium, uel alicuius saluti prodesse, uel obesse possit, Superiorum admoneat.

5 Curet, ut infirmarius regulas suas obseruet, quas apud se etiam habebit.



REGVLAE PRÆFECTI

Bibliothecæ.

- I**NDICEM librorum prohibitorum in Biblioteca habeat, & uideat, ne forte ullus sit inter eos ex prohibitis, aut alijs, quorum usus communis esse non debet.
- 2 Biblioteca clausa sit, cuius claves ipse habeat, Par. 4. c. 6.
S. 7.
- & illis tradat, qui eas, iuxta Superioris iudicium,

E 4 habe-

72 R E G U L A E
habere debebunt.

3 Libri omnes eo ordine in Bibliotheca collocen-
tur, ut singulis facultatibus suis certus sit locus
proprio titulo inscriptus.

4 Singuli libri titulis exterius inscribantur, ut
facile cognosci possint.

5 Omnim librorum, qui domi sunt, catalo-
gum habeat, diuersarum facultatum auctori-
bus ordine alphabetico in diuersas classes distri-
butis.

6 In alio catalogo, diuisis etiam per classes fa-
cultybus, ij libri scribantur, qui in nostrorum
usum extra bibliothecam concessi sunt; qui uero
intra dies octo restituendi extrahuntur, in tabula
in hunc usum parieti appensa notentur, quibus
redditis, quod fuerat scriptum deleatur.

7 Nullum librum ex bibliotheca cuiquam dabit
sine Superioris licentia speciali, aut generali, &
aduertat, ne quis librum etiam cum licentia se in-
scio accipiat.

8 Curet, ut Bibliotheca ualde munda, &
composita sit, quam in hebdomada bis uerret,
& semel ex libris puluerem excutiet; cauere e-
tiam debet, ne libri humiditate, aut alia re la-
dantur.

9 Quando intellexerit domi deesse aliquos libros
necessarios, aut aliquos ualde utiles in lucem editos
esse, certiorem faciat Superiorum, ut si illi uisum
fue-

fuerit, emantur: si uero domi libri inutiles fuerint, eundem admoneat, an cum alijs melioribus commutandi sint.

10 In loco publico, præsertim in magnis collegijs, sint quidam communiores libri; quibus unusquisque, pro ratione suorum studiorum, uti possit.

11 Habeat librum, in quo ea omnia iudicio Superioris selecta diligenter scribantur, quæ in suo collegio publice exhibentur, ut comœdiae, dialogi, orationes, & id genus alia: conclusiones uero singulorum annorum, quæ publice defendentur simul consultas in Bibliotheca asseruet.

12 Si aliqui libri externis accommodato darentur, adhibeat diligentiam, ut recuperentur suo tempore; & in aliquo interim libre notabit, qui nam illi libri sint, & quibus eos accommodauerit.



R E C V

Fondo librario antico dei Gesuiti italiani
www.fondolibrarioantico.it

REGVLAE AEDIT VI.

1 **R**AEEFECTO Ecclesiae obediatur in omnibus, quæ ad templi ministerium pertinent.

2 Seruet modestiam in incessu, uultu, sermoneque tam in templo, quam in sacrifia: ijs uero, qui aliquid exigunt, satisfacere cum edificatione studiat per se, uel ad Præfectum recurrendo, aut ipsos ad eum remittendo; si quando uero necesse erit cum mulieribus loqui, id oculis demissis, & quam breuissime faciat.

3 Dum sacris inseruit, attentus ad suum ministerium cum deuotione, & edificatione sit, nec ante eum, qui celebrat, aut ad latus ex aequo, sed aliquanto posterius maneatur: utatur uero tono, qui congruat cum eo, quo Sacerdos utitur, omnia recte proferat, nec celeriter nimium, nec nimis lenite: denique in ijs suu bene instructus, & cateros, qui Sacerdotibus ministrabunt, eadem doceat.

4 Curet, ut uestimenta, quæ sacrum facturus induitur, sint recte aptata, ipsumque circumquaque intueatur, antequam e sacrificia exeat.

5 Diligenter det operam, ut sacerdotes, qui sacrum facere uolunt, quamprimum ministros habent, iuxta ordinem sibi a superiore prescriptum,

&

¶ quotidie unumquemque eorum, qui ordine in summo altari missas dicturi sunt, opportuno tempore admoneat.

6 *Tot habebit appensa sudariola in sacristia, quot fuerint domi sacerdotes, inscriptis singulorum non minibus, & addito uno, uel pluribus pro extraordinarijs.*

7 *Dum sacra fiunt, accendat ut minimum, candelas duas, & cum sanctissimum Sacramentum eleuatur, facem, aut cereum, quo tempore etiam tintinabulum pulser: accendet etiam facem, cum alijs sanctissimum sacramentum ministrabitur, ipseque confessionem generalem eorum uice recitabit.*

8 *Curet, ut uimum, quod in sacrificium paratur, sit bonum, & merum, ac mundum, eoque ipso die haustum, similiter & aqua, & ampullæ sint mundæ, & decenter cooperæ.*

9 *Hostias faciat, quam fieri poterit, pulchras e numero, ut & missis, & communionibus sufficiant.*

10 *Obseruet, an omnes die statuto communicauerint, & si quis defuerit, ad superiorem referat.*

11 *Ante missas. & conciones, ac lectiones, pulset campanam, prout sibi prescriptum erit, deo etiam signum salutationis B. Mariae in aurora, in meridie, & uesteri: det etiam signum, cum pri-
num quis ex nostris uita sanctus fuerit, ut om-
nes pro cuiusque deuotione illius animam Deo
commendent.*

12 Si quando propter uniuersalem aliquam causam in reliquis Ecclesiis campane pulsentur, ipse etiam iuxta superioris præscriptum pulsabit.

13 Pridie quam sit habenda concio, disponat scamna in templo iuxta solitum morem.

14 Det operam, ut nullo modo lumen desit ante sanctissimum Sacramentum, neque interdiu, neque noctu.

15 Ex ijs sacerdotibus, quos habet a Superiori designatos, uocet diligenter ad templum, qui nominatim petuntur ad confessiones audiendas. quod si nominatim non petuntur, eos iuxta ordinem sibi præscriptum accersat, & quantum in ipso est, det operam, ut omnibus, qui confiteri uolunt, satisfiat.

16 Si quis missas, aut orationes petat, ad Praefectum recurrat, uel ad eum illos remittat.

17 Si quis aliquid quereret, in quo ei a ianitorre melius satisficeret, eum ad portam domus remittat, & eos etiam, qui per portam, qua a templo in domum patet aditus, ingredi vellet: nisi uiri essent eiusmodi, ut eorum peculiaris esset habenda ratio, prout a Superiori fuerit instructus: numquam autem porta ea aperta relinquatur.

18 Curiat, ut nunquam illic aqua desit, ubi lanuantur manus: & sint linteae conuenienter mundata pro Sacerdotibus ad manus solas ante, & post sacrum extergendas.

19 Provideat, ut aqua benedicta in pilanor desit.

Si

20 Si quando eleemosina Missarum , uel Confessionum gratia offeruntur , eas non admittat . si quid tamen alioqui in altaribus , aut aliis templi locis repererit , aut in usum templi oblatum fuerit , id Praefecto tradet .

21 Templi portas mane , sed non ante auroram aperiat , eademque uesteri circa solis occasum diligenter obseret , quod etiam faciet circa meridiem , nisi superior in casu aliquo secus faciendum iudicaret , & quotidie noctu claves Ecclesiae ad Superiorum deserat .

22 Quamdiu templum erit apertum , diligenter curet , ne unquam sine custode relinquatur , sed semper , aut ipse , aut alijs in eo sit , uel in sacristia , ita ut & uidere templum , & custodire possit .

24 Aduertat , ne quis in templo deambulet , ne ue strepitus in eo audiatur : eos uero , qui loquuntur altius , modeste , ut decet , admonebit .

25 Det operam diligenter , ut altaria sint mundata , & bene preparata , & pro ratione temporum ornata , atque ut uasa sacra , ornamenta , & cetera omnia , que ad diuinum cultum pertinent , in suis locis apte , & decenter reponantur , & conserventur .

26 Videat , ut templum sit mundum , & bis singulis hebdomadis , ac sepius , si necesse sit , praesertim in festorum solemnum uigilijs , scopis mundetur , canes etiam ex templo abigat .

R E G V -



REGULAE INFIRMARII.

Par. 3. c. 2.
lit. G.

1. **V**RAM habeat infirmorum, quorum ægritudo simulatque ei indicata fuerit, si censeret rem esse alicuius momenti, Præfectum, & Superiorem admoneat.

2. Cum quis in morbum incidit, a Superiore intelligat, num statim Medicus uocandus sit, qui unus ordinarie esse debet, nisi ingrauescente morbo, aut in quibusdam alijs casibus, alio Medico opus esse Superior indicauerit, & quoties Medicus ægrotos inuiset, adsit ipse.

3. Studeat, ut quæ ægrotanti danda sunt, & opportune emantur, & bona sint, & bene præparata ministrentur.

4. Curet, ut ægrotorum cubicula sint ualde mundæ, lecti concinne sternantur, & ramusculis, & huiusmodi alijs decumbentes oblectent.

5. Aegeatum consolari, & exhilarare studeat, non solum rebus a medico probatis, sed uerbis etiam spiritualibus, & latissimis habeat etiam libros, quorum lectione ægroti recreari, & iuuari in spiritu possint.

6. Intelligat a Superiorè quos ex nostris ad ægrotos

*tos inuisendos, ac recreandos accersere debeat; ca
ueat autem ne dum infirmis placere studet, aliquid
fiat, quod eis nocere ulla ratione possit.*

7 Medicinalia, & cuncta, quæ agrotantium usui
necessaria sunt, habere ipse debet, nisi Pharma-
copola domi sit, & in loco conuenienti ea custodi-
re, & sepius revisere, ut incorrupta conseruentur,
& quando opus fuerit, ut de nouo suo tempore con-
ficiantur, curare iuxta ordinem Superioris.

8 Nihil omnino eorum, quæ a Medico præscri- Par. 3.c. 8.
lit. G.
bentur, prætermittat, aut mutet: ordinem etiam
obseruet temporum præfixorum, quibus pran-
dium, cenam, syrum, ceteraque medicamenta
det, omnia scripto excipiens, quæ Medicus præ-
scripsérit.

9 Aduertat, quo die quis cœperit ægrotare, &
qua hora febres ægrotum & corripiant, & dese-
rant, tum ut Medicum, & Superiorē admoneat,
tum ut cibum tempestive præbeat.

10 Si morbus sit contagiosus, supellex separa-
ri debet, ne cuiquam noceat.

11 Conualescentes e lecto surgere non permit-
tat, prinsquam id' medicus conceßerit, & operam
det, ut ea conualescentibus præbeantur, quæ me-
dicus præscripsérit, quoad Superiori satis uisum
fuerit.

12 Patienter, & cum caritate tum ipse, tum so-
ciij eius ferant molestias, & difficultates, quæ
inter-

interdum in curandis infirmis accidere solent; quemadmodum autem diligenter curare debet, ne debita ministeria ægrotis desint; ita etiam animaduertere, ne nimia uigiliae, immoderatiq; labores, aut morbi contagio, uel propriae ipsius, uel sociorum saluti noceant.

13 Cum grauitas morbi id postulauerit, Superiore rem certiorem reddat, ut ægrotus antequam iudicij usu priuetur, sacramenta accipiat: quod si ægrotus diu licet sine periculo decumbat, intelligat a Superiori, quibus diebus propter eius utilitatem, & consolationem sancta Eucharistia illi tradenda sit.

14 Ingrauescente morbo Superiore admoneat, ut orationibus omnium domesticorum ualde peculiaribus infirmum iuuari faciat; atque eo magis, quo morti propinquorem uideret, & ut aliqui morienti adsint, qui eum animosiores redant, iisque auxilijs iuuent, qua eo tempore convenient, ac cum primum uita functus fuerit, Additum admoneat.

15 Prouideat, ut eorum corpora, qui ad melioram uitam migrarint, ad sepulturam consueto regionis more prepararentur, & ut spatio diei naturalis decenter teneantur; nisi ratione mali odoris anteueriti hoc tempus Superiori uidebitur.

16 Praefecto sanitatis obediatur in omnibus, que ad hoc officium pertinent, qui si nullus fuerit constitutus, praefecti munere ipse fungatur.

REGV-



REGVLAE

IANITORIS.

NOMINA omnium domesticorum prope ostium domus in tabula scripta sint, ubi notis quibusdam illi designabuntur, qui egredientur: ^{a Par. 3. 6} neminem uero foras exire permittat, qui facultatem a superiore generalem, ^{1. S. 3.} aut particularem non habeat; & ab ijs, qui egrediuntur, quo eant, intelligat.

2 Nihil cuiquam nunciabit intempestine, ut cum in mensa sedetur, nisi aut res esset necessaria, aut personae mittentis conditio aliud exigere.

3 Literas omnes, & schedulas, quæ domesticis mittuntur, superiori tradat: ij uero, ad quos dabantur, eas esse acceptas ne intelligant. caueat etiam ne aliquius domestici literas, aut quid simile externis det iniussu Superioris.

4 Cum aliqui ex Societate peregre ueniunt, ianuam ingressis dicat, ut illic expectent, dum superior de aduentu eorum fit certior.

5 Festinet ad ianuam, cum tintinabulum pulsari audit, & cum res patietur, per fenestram uenientes expediat, porta non aperta.

6 Si quis ab externis queratur, qui dominus non sit,

F mode-

modeste intelligat, quis sit ille, qui petit, & quid uelit, ut id redeunti, si opus sit, cum facultate superioris significare possit.

7 Talem cum omnibus conuersandi modum teneat, ut discretione, modestia, & spiritualibus uerbis singulos adificatos, & contentos a se dimittere studeat.

8 Cum externi aliquem e nostris alloqui uolent, superiorum adibit, qui si ad id facultatem dederit, diligenter eum, qui petitur, quæreret, & ad locum colloquijs destinatum eos remittet.

9 Quando eleemosina ad ianuam mittentur, audeat superiorum, & illius ordinem sequatur, & de receptis eleemosinis, quæ alicuius momenti sint, Procuratorem certiore faciat.

10 Si quando Prælati, aut magnates domum intrarint, curet, si commode possit, ut sacerdos aliquis eos comittetur, dum Superiorum ipse accersit.

11 Cum pauperes eleemosinæ causa ad ianuam accedunt, benigne respondeat, & sedulo quærat, quidnam eis erogari possit iuxta Superioris arbitrium, idque illis cum caritate distribuat.

12 Mulieres, si quando ad ostium accedunt, paucis uerbis dimittat, aut si pluribus opus esse uideretur, in ecclesiam eas mittat ad ædandum, ubi responderi ipsis poterit.

13 Obserata semper ianua sit, clavisque in porta ne relinquatur; loca etiam portæ uicina munda ser-

seruet, & ut iuxta ianuam omnes summissa uoce
loquantur curet.

14 Portas domus ante noctem claudet; exinde
uero eas nullius causa aperiat, nisi de Præpositi,
vel Rectoris expressa licentia, & antequam cubi-
tum eat, claves eidem tradens, si quis foris ma-
neat, illi renunciabit.

15 Nihil custodiendum a quoquam externo re-
cipiat, absque Superioris iussu.

16 Quoties Medicus domum ingredietur, signum
dabit campana, ut Minister adsit.

17 In Collegijs, in quibus schola externis ape-
riuntur, signum tintinabulo dabit pro initio lectio-
num, ac fine, & gymnasia statim temporibus ape-
riet, atque claudet, nisi horum cura alijs deman-
detur.

REGVLAE CVSTODIS VESTIVM.

SERVARE debet omnem supellesti-
lem, sive lineam, sive laneam, & quic-
quid ad indumenta, & calceamenta
attinet, que diligenter cura, ut rem pauperum Chri-
sti custodiet.

F 2 Inuen-

2 Inuentarium rerum, quas ipse custodit, si aliqui momenti sint, in libro habeat, & seorsum scribat, quae de nouo fuit, addito die, mense, & anno, ut cum a Superiori iubebitur, possit sui numeris rationem reddere.

3 Vesteis ordine dispositas seruet, & nouas, & integras a uetusioribus seiuangat, & ne corruptantur uideat; eas etiam aptandas, & resarcendas curet, ut decet religiosam paupertatem; quas uero non amplius usui nostrorum futuras iudicabit, eas Superiori ostendat, ut ille, quid de eis faciendum sit, statuat.

*In ex. c. 4.
§. 4. & p.
I.c. 4. § 6.* 4 Quia singuli Novitij domum attulerunt, ea adicubi separatis afferuabit, inscripto nomine eius, qui attulit, donec biennio expleto consueta uota Societatis emittat.

5 Singulis mensibus omnia domus uisitabit cubicula, ut ex Superioris arbitrio, si quid eis desit, suppleri possit; si quid etiam superfluum inuenierit, in vestiaria officina custodiatur.

*a Can. 63.
er. cong.* 6 Inspiciat etiam, qui nam vestibus indigeant, ut superiori dicat, eiusque ordinem exequatur: eo uero inconsulto nihil cuiquam dabit: coadiutores autem temporales sottanis plus dimidio palmo breuioribus, quam Sacerdotes, & pallio sottanis breuiori utantur.

7 Linei panni lotori, siue externus ille sit, siue domesticus, scripto numero dentur, & accipiantur.

—

—

Subu-

- 8 Subuculae singulorum, quae statim et induentium conuenire debent, signis particularibus internoscantur: ne permisceri contingat.
- 9 Tannos lineos omnes, quos utendos refectorij praefecto, coquo, alijsque ministris dividet, numerato det, & recipiat.
- 10 Sabbati uespere linea munda per omnia cubicula distribuat, dominica die mane ex ipsis cubiculis immunda colligat, & an omnia, quae dederat, recipiat, animaduertat.
- 11 Aestiuo tempore linteamina munda pro lectis decimoquinto quoque die, hiberno uero post tres hebdomadas distribuat, ubi id fieri poterit.
- 12 Hac omnia custos uestium præstabit, nisi eius officium in magno aliquo collegio, aut domo in plures personas distribuere necesse sit.

R E G U L A E EMPTORIS.

DILIGENS sit in emendis ijs, quæ ad quotidianum usum Superioris arbitrio domum comportanda sunt, ea que tempestive dispensatori tradat: emit autem res bonas, & quam commodissimo pretio poterit, licet longius sint petenda.

F 3 Adno-

2 Adnotet pecunia summam, quam a Procuratore in dies accipiet, & quas in re eam expendet ; & rationem ei quotidie reddat dati, & accepti : quid autem sequenti die empturus sit, a Ministro intelliger.

3 Curet, quantum poterit, eos, cum quibus ager, discretione, ac modestia edificare, & quatenus eius officium decet, religiosis uerbis in spiritu iuuare.

R E G U L A E DISPENSATORIS.

I **N** rebus distribuendis ordinem superioris sequatur : & quamvis communitate aequalitatem inter omnes seruare debet, habeat tamen infirmorum rationem, prout ei fuerit praescriptum.

2 Vinum in mensa ponendum aqua temperabit, ubi, & quantum superiori uidebitur.

3 Quae ex mensis supersunt, diligenter conseruantur memor paupertatis, ut & domesticis, & externalis pauperibus, iuxta ordinem superioris, usui esse possit.

4 Curam habeat conseruandi res ad uictum necessarias, que ipsi committentur, clausasque custodiat, aduertens ne corrumpantur : quod si corruptionis sit

fit periculum, superiorem admoneat. ut autem hæc melius obseruet, uisitet sœpe penum, & alia loca ubi illa reconduntur.

5 *Tam penum, quam reliqua omnia, quæ in eo sunt, munda habeat.*

6 *Antequam penitus absumentur cibi, qui domi reconduntur, Superiorem admoneat, ut alij coëmi tempestive possint.*

7 *Curet concinnanda dolia, & purganda, cum opus est, ad nouum uinum infundendum: cuius rei, cum tempus impendet, Superiorem admonebit.*

REGVLÆ PRAEFECTI REFECTORII.

1  VRET refectorium, & quæ eius usibus seruiunt, omnia esse quam mundissima.

2 *Ne aqua manibus abluendis, aut mantilia extergendis desint, aduertat: horum autem (quæ bis in hebdomada saltem mutabuntur) alia sacerdotibus, alia non sacerdotibus destinata erunt.*

3 *Mappæ singulis saltem hebdomadis semel, mantilia uero, quæ singulis singula seruient, bis munda ponentur: omnia autem linteal numerato & accipiat, & reddat.*

4 Curet, ne uasa, & cetera in refectorio necessaria desint, & ut quam maxime munda sint: cultellos autem frequenter acuere faciat.

5 Paruam mensam paratam habeat.

6 Signum campana temporibus suis dabit conueniendi ad primam, & secundam mensam, sed ante primum pulsū, (qui quarta parte hora secundum præcedat) a coquo intelligat, an sint omnia parata.

7 Mensæ rebus necessarijs paratæ esse debent, cum campana signum primo dabitur, quæ autem ad potum pertinent, circa secundum signum apponantur, & aquæ, ac uini uasa supra orbes collocentur.

8 Sit certus locus ijs, qui curæ infirmarij subsunt quibus nihil, nisi quod ab eo prescriptum erit, apponat: ita tamen, ut sacerdotum locus a non sacerdotum distinctus sit. seruet autem cum omnibus æqualitatem, nisi secus necessitatis causa esset a superiori monitus sine cuius arbitrio, neque ientaculum, neque aliud quicquam ulli concedet.

9 Priusquam e mensa surgatur, inferantur orbes aliquod in mensam, ut quisque locum suum munderet. quamprimum uero pro secunda preparata omnia habuerit, signum campana dabit, prouidebitq; ne desint, qui ministrare debent.

10 Quæ ex mensis supersunt, colliget, atque illi tradet, ad quem id ex officio pertinet, sine coquitis,

is, sive dispensator sit.

11 Nomina eorum, qui domi tam in refectorio, quam extra uestimenta, in quadam tabula habeat, & eos, qui cibum cepere, notabit, ut intelligat, quinam supersint, & coquim qui portiones distribuit, commonefaciet.

12 Mensis expeditis mappas plicabit, uerretque refectorium, & si quis inter comedendum silentium non seruauerit, aut aliquid minus modestum fecerit superiori significabit.

13 Sabbati ueste Ministerium roget, qui nam in prima, & secunda mensa sequenti hebdomadatum ministraturi, tum lectores futuri sint, eosque faciat certiores.

14 Catalogum habeat rerum omnium, quae in refectorio seruiunt, ut cum ratio ab eo requiretur, in promptu sit, & in loco ad id designato eas custodiat.

15 Ad finem recreationis, quae una hora post primam mensam, altera post secundam a prandio, & a cena durare debet, distincta signa campana dabit.



R E G Y -

REGVLAE COQVI.

- 1 **N**ijs omnibus, quæ ad suum munus pertinent, munditiam seruet ipse, & ab alijs seruandam curet, et que operam, ut omnia recte, & opportune parentur, ea præsertim, quæ ad ægrotos pertinent.
- 2 Carnes, pisces, & alia, quæ ad mensam portanda sunt, dum secat, & distribuit, digitis minime contrectet, sed fuscinula, aut cultello ad eam rem utatur.
- 3 Semihora, aut saltem quartahora parte, ante quam in mensa sit sedendum, preparati cibi omnes esse debent.
- 4 Circa qualitatem, & quantitatem portionum ordinem a Superiori datum sequetur.
- 5 Coquere, aut aliud quippiam pro aliquo particulari parare neminem sinet, neque ipse faciet sine Superioris facultate, infirmario tantum excepto.
- 6 Scriptum in codice habeat catalogum rerum omnium, quarum est usus in coquina, quas ipse seruare debet.
- 7 Diligenter aduertat, ne plura, quam necessaria sint, ligna comburantur: hanc similiter diligenter in rebus, quas consumit, adhibebit, ne quid non necessarium insumat, ut religiosam paupertatem

tatem decet.

8 Quæ ex mensa supersunt, eique traduntur, conservabit memor paupertatis, ut & domesticis, & externis pauperibus usui esse possint, iuxta ordinem Superioris.

9 Si quem haberet adiutorem, curet, ut cum uero bo, & exemplo suo ædificet, præsertim nouitios.

R E G U L A E EXCITATORIS.

1 **E** DI A saltem horæ parte ante cœteros cubitum eat, eodemque temporis spatio ante alios mane surgat, & hora constituta campanam pulsat, sicutimque ad omnia cubicula lumen deferens cunctos excitet, quod ut certius, & melius præstare possit, horologium excitatorum a Superiori habeat.

Tar. 3. c. 2.
§. 2. & lit.
E. & par.
4. c. 10. §. 9.

2 Quartahora parte ab excitatione elapsa, cubicula rursus inuisat, ac si quos nondum surrexiisse comperiat, superiori nunciet.

3 Post aliam quartam horæ partem ad orationem pulsabit, ita ut ab excitatione ad orationis usque initium semihora intercedat: absoluto uero tempore orationi deputato, finis signum dabit.

Si

4 Si quorum opera indigebit propter multitudinem eorum, quos excitare, aut uisitare debet, eos a Superiori petet, quos seruare easdem regulas curabit: si qui autem debiles, aut ualentinarij erunt, eos iuxta ordinem Superioris excitabit.

5 Si quem uideret communem illam regulam minus obseruantem, qua omnes decenter cooperti dormire iubentur, Superiorum monebit.



REGVLAE NOCTV CVBICVL A VISITANTIS.

p. 4. c. 10.
§. 3.
a p. 3. cap.
2. §. 2.

I ORA a Superioro præscripta ad nocturnum conscientie examen pulsabit, a transactoque quadrante signum dabit ad cubandum.

2 Elapsa quarta horæ parte a cubandi signo, singula cubicula adibit, & an omnes ad lectum se reperint, ac lucernas extinxerint, uidebit: si quos innuenerit extra lectum, aut qui lucernas non extinxerint, Superiori renunciabit.

DE

DE OBEDIENTIAE VIR
- tute Epistola N. P. Ignatij.
IGNATIUS LOIOLA
fratribus Societatis IESV, qui sunt
in Lusitania gratiam, & amo-
rem Christi Domini
sempiternum.

MAGNAM animi uoluptatem capio fra-
tres in Christo carissimi, conaffertur
ad me, quam acri studio, conatuque
ad summam uirtutis, ac diuini obse-
quij perfectionem enitamini, beneficio illius, qui
uos ut ad hoc uitæ institutum uocavit, sic in eodem
pro sua clementia retinet, dirigitq; ad beatum finem,
ad quem, qui sunt ab ipso electi, perueniunt. Atque
ego sane cum uos omnibus donis ornamentiisque spi-
ritualibus perfectos, tum uero (quod alias ex me co-
gnouistis) in primis obedientiae uirtute præstantissi-
mos esse cupio : idque non solum ob eximia qua-
dam, ac singulariaeius bona, quæ tot, tamque illu-
stribus sacrarum literarum testimonij, atq; exem-
plis, in testamento æque nouo, ac ueteri comproban-
tur, sed etiam quod (ut est apud sanctum Grego-
rium) Obedientia sola uirtus est, quæ uirtutes cæte-
ras

Lib. 35.
moral. ca.
10.

ras menti inserit, insertasque custodit. Hæc dum flou-
ruerit florebunt proculdubio reliqua, edentque fru-
ctus, quales & ego in animis uestris exopto, &
suo iure postularis, qui humanum genus negle-
ctæ obedientia scelere afflictum, ac perditum sa-
lutari ipsæmet obedientia reparauit, Factus obe-
diens usque ad mortem, mortem autem crucis.

*Ad Phi-
lipp. 2.*

*Ab alijs religiosis ordinibus facilius patiamur
superari nos ieiunijs, vigilijs, & cætera uictus, cul-
tusque asperitate, quam suo quique ritu, ac discipli-
na sancte suscipiunt. uera quidem, ac perfecta obe-
dientia, abdicationeque uoluntatis, atque iudicij
maxime uelim fratres carissimi esse conspicuos, qui-
cunque in hac Societate Deo Domino nostro deser-
uiunt, eiusdemque Societatis ueram, germanam
que sobolem hac quasi nota distingui, qui nunquam
intueantur personam ipsam, cui obediunt, sed in ea
Christum Dominum, cuius causa obediunt. Si qui
dem Superiori, nec si prudentia, bonitate, cæteris
ue quibuslibet diuinis donis ornatus, instructusq;
sit, propterea obtemperandum est; sed ob id solum,
quod uices gerat Dei, eiusdemque auctoritate fun-
gatur, qui dicit, Qui uos audit, me audit, & qui
uos spernit, me spernit; nec contra sine consilio,
aut prudentia minus ualeat, quidquam iccirco de
obedientia remittendum, quatenus ille Superior est;
quando illius personam refert, cuius sapientia fal-
li non potest; supplebitque ipse, quicquid mini-
stro*

Luc. 10.

stro defuerit; siue probitate, alijsque ornamentis
 careat, siquidem desertis uerbis Christus Domi-
 nus cum dixisset: Super Cathedram Moysi sederunt Matth. 22
 Scribae, & Pharisei, protinus addidit, omnia er-
 go, quaecunque dixerint uobis seruate, & facite:
 secundum opera uero eorum nolite facere. Quocir-
 ca sedulo uos in eam curam, atque exercitationem
 incubere cupio, ut Christum Dominum in Supe-
 riore quolibet agnoscere studeatis, in eoque diuinae
 Maiestati reverentiam, atque obedientiam sum-
 mam cum religione prestatre. Quod uobis minus
 mirum uidebitur, si animaduerteritis praeceptum es-
 se ab Apostolo, ut Superioribus etiam seculari-
 bus, ethnicisque pareamus, ut Christo, ex quo om-
 nis potestas bene instituta descendit: sic enim scri-
 bit ille ad Ephesios, Obedite dominis carnalibus Cap. 6.
 cum timore, & tremore in simplicitate cordis ue-
 stri, sicut Christo, non ad oculum seruientes, qua-
 si hominibus placentes, sed ut serui Christi facien-
 tes uoluntatem Dei ex animo cum bona uoluntate
 seruientes sicut D O M I N O, & non hominibus.
 Atque hinc existimare poteritis ipsi, cum se reli-
 giosus quipiam regendum, ac moderandum alteri
 tradidit, non solum ut Superiori, sed etiam nomi-
 natim ut Christi partes agenti; quo illum loco apud
 animum suum habere, utrum ut hominem, an ut
 Christi uicarium debeat intueri. Iam uero illud etiam
 uobis clare compertum esse, ac in animis uestris pe-
 nitius

nitus insidere uehementer cupio: infimam, & ualde imperfectam esse primam illam obedientiae formam,

CENSURAM

que mandata duntaxat opere exequitur; nec uirtus nomine dignam, nisi ad alterum gradum ascendet, qui uoluntatem Superioris suam efficit, & cum ea ita concordet, ut non solum in effectu executio appareat, uerum etiam in affectu consensio: sicque idem uelit uerque, idem nolit. Atque propterea in sacris literis legimus, Melior est obedientia, quam victima, si quidem (ut S. Gregorius docet) Per ultimas aliena caro, per obedientiam uero uoluntas propria maectatur. que quidem pars animi, quoniam est adeo præstans, sic fit, ut eius oblatio Domino, ac Creatori Nostro per obedientiam facta magni sit estimanda. Quanto in errore, quamque periculoso uersantur non dico solum ijs, qui in ijs, que ad carnem, & sanguinem pertinent, sed illi etiam, qui in rebus alioquin admodum sanctis, ac spiritualibus, ut ieunijs, precationibus, alijsue quibusuis pietatis operibus, fas putant a prescripto Superioris ac uoluntate discedere. Audiant quod sapienter adnotat

2. Reg. 15.

Lib. 35.

moral. c.

10.

2. Quidam

Coll. 4.

exp. 10.

Cassianus in Collatione Danielis Abbatis: unum sane inquit, atque idem inobedientia genus est, uel propter operationis instantiam, uel propter otij de siderium senioris uiolare mandatum: tamque dispensosum est, pro somno, quam pro uigilia, Monasterij statuta conuellere: tantum denique est Abbatis transire præceptum, ut legas, quantum si contemnas,

nas, ut dormias. Sancta fuit actio Marthæ, sancta contemplatio Magdalene, sancta paenitentia & lacrimæ, quibus pedes Christi Domini rigabantur: sed hæc omnia nimis oportuit fieri in Bethania, quam uocem domum obedientia interpretantur, ut eare, quemadmodum ait S. Bernardus, nobis significare uoluisse Dominus uideatur, Nec studium bona actionis, nec otium sanctæ contemplationis, nec lacrimam paenitentis extra Bethaniam illi accepta esse potuisse. Quo circa uoluntates uestræ, fratres carissimi, quoad eius fieri potest, omnino deponite: libertatem conditori nistro, quam uobis ipsemel elargitus est, in eius ministris libere tradite, ac dicate: nolite exiguum uestri arbitrii fructum putare, quod liceat uobis illud, a quo id accepistis, eidem per obedientiam plene reddere: quod cum facitis, non modo non perditis ipsum, uerum etiam augetis, atque perficitis, quippe qui uestras omnes uoluntates certissima rectitudinis regula moderemini uoluntate diuina, quam videlicet interpretatur is, qui uobis Dei nomine præsidet. Itaque diligenter illud etiam cauendum est, ne Superioris ullo umquam tempore uoluntatem (quam ducre pro diuina debetis) ad uestram detorquere nitamini: id enim eset non uestram diuinæ conformare, sed diuinam uestræ uoluntatis norma regere uelle, eiusdem diuinæ sapientiae ordinem inuertentes. Sane quam magnus est error, & quidem eorum, quos

In Sermo.
ad milit.
tempi.
cap. 3.

G amor

amor sui obcaquit, obedientes existimare sese, cum Superiorum ad id, quod ipsimet uolunt, aliqua ratione pertraxerint. Sanctum Bernardum in hac re

In Sermo.
de trib. or-
din. ecclcs.
ad patres
in cap.

præclare exercitatum audite, Quisquis, inquit, uel aperte, uel occulte satagit, ut quod habet in uoluntate, hoc ei spiritualis pater iniungat, ipse se seducit, si forte sibi quasi de obedientia blandiatur: neque enim in eare ipse Prælato, sed magis ei Prælatus obedit. Quæ cum ita sint: quisquis ad obedientiæ uirtutem uelit peruenire, oportet adhunc secundum obedientiæ gradum ascendat, ut Superioris non solum iussa exequatur, sed etiam eius uoluntatem suam faciat, seu potius suam exuat, ut diuinam a Superiori expositam induat. Qui uero se totum penitus immolare uult Deo, præter uoluntatem, intelligentiam quoque, qui tertius & summus est gradus obedientiæ, offerat neceſſe est: ut non solum idem uelit, sed etiam ut idem sentiat, quod Superior, eiusque iudicio subiiciat suum, quoad potest deuota uoluntas intelligentiam infleciere. Quæ uis animi tamē non ea, qua uoluntas pollet, libertate prædicta est, atque ipsa natura fertur eius assensus in id, quod sibi ueri speciem præbet; tamen multis in rebus, in quibus uidelicet cognitæ ueritatis evidentia uimilli non infert, potest uoluntatis pondere in hanc potius, quam in illam partem inclinari. quæ res cum incident, debet, quisquis obedientiam proficitur, inclinare sese in sententiam superioris: etenim cum

obedien-

obedientia sit quoddam holocaustum, quo totus homo sine ulla prorsus imminutatione Conditori suo, ac Domino per manus ministrorum in caritatis igne immolatur, cumque sit eadem renunciatio quedam integra, per quam omni suo iure sponte descendit religiosus, ut diuinæ prouidentiæ Superioris ductu gubernandum, ac possidendum ultro sese addiccat, ac mancipet, negari non potest, quin obedientia comprehendat non solum executionem, ut imperata quis faciat, & uoluntatem, ut libenter faciat, sed etiam iudicium, ut quæcumque Superior mandat, ac sentit, eadem inferiori & recta, & uera esse uideantur, quatenus, ut dixi, ui sua potest uoluntas intelligentiam flectere. Utinam hanc mentis, ac iudicij obedientiam, ita & intelligerent homines, & exercent, ut grata Deo est, ac omnibus, qui in religione uiuunt, necessaria. Nam ut in corporibus, globisque caelestibus, ut aliis alium afficiat, moueatque requiritur, ut certa quædam conuenientia, ac ordine inferior orbis superiori subiiciatur, sic in hominibus, cum alter alterius auctoritate mouetur, quod per obedientiam fit, oportet, ut is, qui ab alterius nutu pendet subseruiat, & obsecundet, ut uirtus ab imperante ad eum deriuetur, & influat. Hæc autem obtemperandi, obsecundandique ratio constare non potest, nisi uoluntas, ac iudicium inferioris cum Superioris uoluntate, ac iudicio congruat. Iam uero si finis, &

G 2 causa

causa obedientiae spectatur quemadmodum uoluntas, ita & iudicium in eo, quod nobis conuenit, decipi potest. ergo sicuti ne uoluntas erret, cum Superioris uoluntate coniungitur, sic intelligentia, ne fallatur, ad Superioris intelligentiam conformanda

Erouer. 3. est. Ne innitaris prudentiae tuae, Sacra literae monent, atque in rebus etiam humanis censem sapientes, uere prudentis esse sua ipsius prudentia minime fidere, praesertim in rebus suis, quarum homines animo per turbato fere boni indices esse non possunt. Quod si in rebus nostris, alterius, etiam non superioris, iudicium, atque consilium nostro anteponendum est, quanto magis ipsius Superioris, cui nos, ut Dei uicem gerenti, ac diuinæ uoluntatis interpreti moderandos tradidimus. In causis uero, per sonisque spiritualibus eo maior etiam cautio proculdubio est necessaria, quo grauius est spiritualis nix periculum, cum sine frænis consilijs discretionisue

Cell. 2.ca. in ea decurritur. qua de re commode Cassianus in Collatione Abbatis Moysi, ait, Nullo alio uitio, tam præcipitem diabolus monachum pertrahit ad mortem, quam cum eum neglectis consilijs seniorum, in suo iudicio persuaserit, ac definitione, doctrinae confidere. Præterea nisi hæc obedientia iudicij existat, fieri non potest, ut uel consensus uoluntatis, uel executio talis sit qualem esse oportet: natura enimita comparatum est, ut animi nostri uires, que appetituæ dicuntur, sequantur apprehensi-

bensiuas, & nisi adhibita ui, uoluntas, iudicio repugnante, diu obtemperare non poterit. Quod si forte quis aliquo temporis spatio obediat per communem illam apprehensionem, qua censemur perpetram etiam precipienti parendum esse, certe id stabile, ac fixum esse non potest, atque ita perseverantia deficit, uel saltem obedientiae perfectio, quæ in prompte, & alacriter obediendo consistit, non enim ibi potest esse alacritas, ac diligentia, ubi est animorum, sententiarumque dissensio. perit etiam exequendi studium, & celeritas, cum ambigitur, expeditat nec ne facere quod iubemur, perit celebris illa obedientiae cæcæ simplicitas, cum apud nos ipsos in questionem uocamus recte ne præcipiatur, an secus, atque etiam fortasse damnamus Superiorem, quod ea mandet, quæ nobis non ita iucunda sunt. perit humilitas, quoniam, & si ex altera parte paremus, ex altera tamen nosmetipsos Superiori præferimus: perit in rebus arduis fortitudo, denique (ut summatim complector) uirtutis huius uis omnis ac dignitas; succedunt autem in eorum locum dolor, molestia, tarditas, lassitudo, obmurmurationes, excusationes, aliaque uitia non sane leuia, quibus obedientiae pretium, ac meritum prorsus extinguitur. Itaque sanctus Bernardus, de ijs, qui graniter ferunt imperata minus sibi suauia, sic ait. Hoc si moleste cœperis sustinere, Serm. 3. de si dijudicare Prælatum. si murmurare in corde; Circuncis-
sione .

G 3 etiam

etiam si exterius impleas, quod iubetur, non est
haec uirtus patientiae, sed uelamentum malitia.
Quod si pax, & tranquillitas animi queritur:
certe hac non fruetur is, qui habet intra se se causam
perturbationis, atque tumultus, dissensionem
videlicet iudicij proprij ab obedientiae lege. Atque
iccirco, tuendae concordiae causa, quæ societatis

Rom. 15. tatis omnis est vinculum, tantopere hortatur A-
1. Cor. &
2. c. 13.
Philipp. 2. postolus, ut idipsum omnes sapiant, & dicant,
nimurum ut consentientibus & iudicijs, & uoluntatibus mutuo soueantur, & conseruentur.

Iam si unum eundemque oportet esse membrorum sensum, & capitis, facile cernitur utrum sit æquius, caput membris, an membra capiti consentire. Atque ex his quidem, quæ dicta, sunt hactenus, satis appareat obedientia iudicij quam sit necessaria. Quam uero sit eadem ipsa perfecta, grata que Domino inde primum ostenditur, quod per eam præstantissima pars hominis, ac pretiosissima Domino consecratur: deinde quod obediens ita fit holocaustum uiuum, gratumque Maiestati diuinæ, cum nihil suimet omnino retineat: postremo quod magna est huius certaminis difficultas, frangit enim se Dei causa obediens ipsemet, resistitque, naturali propensioni, quæ omnibus hominibus insita est ad suam complectendam, sequendamque sententiam. Ex his igitur rebus efficitur, ut obedientia tametsi

pro-

proprie uoluntatem perficere uideatur, quippe quā reddit ad nucum Superioris promptam, ac param, nihilominus ad intelligentiam quoque ipsam, ut diximus pertinere debeat, eamque inducere ad sentiendum id ipsum, quod sentit Superior: sic enim fiet, ut omnibus connixi uiribus, & uoluntatis, & intelligentiae ad executionem celerem, atque integrum ueniamus. Videor mihi uos fratres carissimi audire dicentes: de uirtutis quidem huiuscē necessitate iam non ambigere, illud uero, ut cognoscatis uehementer optare, quo pacto ad eius perfectionem peruenire possitis. Huic ego quæstioni cum Santo Leone, ita respondeo. Nihil arduum est humilibus, & nihil asperum mitibus, modo non desit uobis humilitas, non desit mansuetudo, non utique deerit Deo benignitas ad uos adiuuandos, ut quæ sibi promisiſtis, ea præſtare possitis animo non solum equo, sed etiam libenti. Præterea uobis tria nominatim propono, quæ ad obedientiam iudicij comparandam multum iuvant. Primum illud est ut, quemadmodum initio dixi, non intueamini in persona Superioris hominem obnoxium erroribus, atque miserijs, sed Cbriftum ipsum, qui est sapientia summa, bonitas immensa, caritas infinita, qui nec decipi potest, nec uos uult ipſe decipere. & quoniam conciū uobis met estis, uos Dei amore iugum obedientie subiijſe, ut in superioris uoluntate sequenda, uoluntatem diuinam

Serm. 5.
de Epiph.
nia.

G 4 certius

certius sequeremini; nolite dubitare, quin perga-
fidelissima Domini caritas, eorum ministerio, quos
uobis præfecit, uos deinceps gubernare, & rectis
itineribusducere. Itaque Superioris uocem, ac iuf-
fa non secus, ac Christi uocem excipite, siquidem
Apostolus etiam in hanc sententiam scribens ad Col-
loſſenses, cum ad obtemperādum Prepoſuitis subditos
adhortatur, ait, Quodcunque facitis ex animo ope-
ramini sicut Domino, & non hominibus, scientes,
quod a Domino accipiatis retributionem heredita-
tis, Domino Christo seruite. Sanctus uero Ber-
nardus; siue Deus (inquit) siue homo uicarius
Dei mandatum quodcunque tradiderit, pari profe-
cto obsequendum est cura, pari reverentia deferendū;
ubi tamen Deo contraria non præcipit homo.

Atque ita si non hominem externis oculis, sed
Deum in spexeritis internis, haud sane graue fuerit
uobis uoluntates vestras, atque iudicia confor-
mare ad eam regulam actionum uestrarum, quam
ipsimet elegistis. Altera est ratio, ut quod Superior
mandat, uel sentit defendere semper apud animos
uestros studiose nitamini, imp̄ obare autem nequa-
quam, atque ad eam ipsam rem prode: it bene ani-
matos, affectosq; esse ad id omne, quod ipse inserit:
sic enim fiet, non solum ut sine molestia, sed etiam
ut cum uoluptate latitiaque pareatis: nam (ut est
Serm. 4. apud Sanctum Leonem) Non dura ibi necessitate
de iejunio seruitur, ubi diligitur quod iubetur. Postrema su-
bīciendi

bijiciendi iudicij ratio est cum facilior, tutiorque, ^{septimè}
tum etiam apud sanctos Patres in more posita, ut sta- ^{mensis.}
tuatis nobiscum ipsi, quidquid Superior præcipit,
ipsius Dei præceptum esse, & uoluntatem, atq; ut
ad credenda, que catholica fides proponit, toto ani-
mo assensuque uestro statim incumbitis: sic ad ea fa-
cienda quacunque Superior dixerit, cæco quodam
impetu uoluntatis parendi cupide sine ulla prorsus
diquisitione feramini. sic egisse credendus est Abra-
ham, filium Isaac immolare iuſsus: sic noui testamen-
ti tempore aliqui e sanctis Patribus ijs, quos com-
memorat Cassianus, ut Ioannes Abbas, qui, quod
erat ei imperatum, non reputabat utile ne effet, an
inutile; ut cum aridum lignum tanto, ac tam diutur-
no labore per annum irrigauit; nec utrum fieri pos-
set, nec ne, ut cum conatus est tam ex animo ingens
saxum solus dimouere loco, quod ne multi quidem si-
muli homines impellere potuissent, quod obedientie
genus ipsis interdum miraculis diuinitus comproba-
tum uidemus, nam (ut alios taceam, quos ipsi non
ignoratis) Maurus S.Benedicti discipulus, mandato
Superioris lacum ingressus, nec mersus est: alius
quidam a Superiori iuſsus lexam ad se ducere, illam
cepit, atque perduxit. Est igitur hæc ratio subij-
ciendi proprij iudicij, ac sine ulla questione sancien-
di, & collaudandi apud se quodcunque Superior iuſ-
serit non solum sanctis uiris usitata, sed etiam per-
fectæ obedientie studiosis imitanda omnibus in re-

Gen. 12.

Lib. 4.

cap. 24.

& 26.

Greg. 2.

dialog.

cap. 7.

In uiris

Patrum

& par.lib.

de obed.

bus,

bus, quæ cum peccato manifesto coniuncte non sunt. Nec tamen siccirco uetamini, si quid forte uobis occurrat a Superioris sententia diuersum, idque uobis (consulto suppliciter Domino) exponendum uideatur, quominus id ad Superiorum referre possitis: uerum in hac re, ne uos amor uestris, iudiciumque decipiat, illa cautio est adhibenda, ut animo sitis, & ante, & post relationem aquissimo, non solum quod pertinet ad eam rem, de qua agitur, uel suscipiendam, uel deponendam, sed etiam ad approbandum, rectius que putandum quidquid Superiori placuerit.

Atque hæc quæ de obedientia diximus, æque priuatis erga proximos Superiores, atque Rectoribus, Praepositisque localibus erga Provinciales, Provincialibus erga Generalem, Generali denique erga illum, quem Deus ipsi præfecit, nempe suum in terris Vicarium, obseruanda sunt, sic ut & ordinum perfecta distinctio, ac proinde pax retineatur, & caritas: sine qua nec Societatis nostræ, nec alterius cuiuslibet Sodalitij posset reæta gubernatio conseruari. Nimurum hoc modo prouidentia illa diuina disponit omnia suauiter, infima per media, media per summa suos ad fines cuncta perducens. Hinc illa uidelicet in Angelis unius hierarchie ad aliam subordinata series, Hinc & celestium, & aliorum omnium, quæ carent corporum certis locis, ac sedibus inter se se

Cap. I.

sese apta connexio, quorum conuersiones, ac motus ab uno mouente supremo gradatim omnes usque ad infimos rite proueniunt. Idem in terris cum in omni ciuitate bonis instituta legibus, tum uero in hierarchia Ecclesiastica cernitur, cuius omnia membra, & functiones ab uno Generali CHRISTI Domini nostri Vicario deriuantur, & quo accuratius haec dispositio, & collocatio, custoditur, eo rectior est gubernatio, & melior. contra uero huius ordinis negligentia quam graria incommoda multis hominum Societatibus importentur, nemo non uidet. Atque iccirco in hac, cuius mihi nonnullam procurationem, ac curam Dominus tradidit, tam diligenter hanc uirtutem exerceri, uigereque percupio, quasi in ea Societatis nostrae bonum, ac salus uniuersa consistat. Quæ cum ita sint, ut unde exorsa est ibidem terminetur epistola, uos ego per Christum Dominum nostrum obtestor, qui sese nobis non modo preceptor, sed etiam exemplar præbuit obedientie, ut ad eam uirtutem toto pectore incumbatis, & gloriæ uictoria appetentes atque audi, nosmetipso superare, idest excelsiorem & difficiliorem animi partem, uoluntatem dico, atque iudicium expugnare, & subiçere studeatis, quo Dei Domini N. solida ueraque cognitio, atque amor uestros ad se animos penitus trahat, totoque uitæ huius, & quasi peregrinationis curriculo

riculo usque eo gubernet, ac regat, dum uos de-
mum aliosque complures nostra opera exemplo
que adiutos ad ultimum & felicissimum finem,
nimirum ad beatitudinem sempiternam perdu-
cat. Vestris ad Deum precibus me ualde com-
mendo.

ROMA. VII. KAL. APRILIS.

M D LIII.



M N I P O T E N S sempiterne Deus
Ego licet
undecunque diuino tuo conspe-
ctu indignissimus, fretus tamen pietate, ac
misericordia tua infinita, & impulsus tibi ser-
uiendi desiderio; Voueo coram sacratissima
Virgine MARIA, & curia tua cælesti uniuer-
sa, Diuinæ Maiestati tuæ, P A V P E R T A-
T E M , C A S T I T A T E M , & O B E D I E N-
T I A M perpetuam in Societate I E S V : & pro
mitto eandem Societatem me ingressurum,
ut uitam in ea perpetuo degam, omnia intel-
ligendo iuxta ipsius Societatis Constitutio-
nes. A tua ergo immensa Bonitate, & Cle-
mentia per I E S V C H R I S T I sanguinem,
peto suppliciter, ut hoc holocaustum in o-
dorem suavitatis admittere digneris; &, ut
largitus es ad hoc desiderandum, & offeren-
dum, sic etiam ad explendum, gratiam ubi
rem largiaris. Amen.

HOMINES mundo crucifixos, & quibus mundus ipse sit crucifixus, uitæ nostræ ratio nos esse postulat: Homines, inquam, nouos, qui suis se affectibus exuerint, ut Christum induerent, sibi mortuos, ut iustitiae uiuerent. Qui, ut D. Paulus ait, in laboribus, in uigilijs, in ieuijnis, in castitate, in scientia, in longanimitate, in suauitate, in Spiritu sancto, in caritate non ficta, in uerbo ueritatis se Dei ministros exhibeant: & per arma iustitiae a dextris, & a sinistris, per gloriam, & ignobilitatem, per infamiam, & bonam famam, per prospera denique, & aduersa magnis itineribus ad cælestem patriam & ipsi contendant, & alios etiam, quacunque possunt ope, studioque compellant maximam Dei gloriam semper intuentes. Hæc est summa, hic scopus nostræ Congregationis.



CATALOGVS
PROVINCiarVM
SOCIETATIS IESV,
& Collegiorum ac Domorum, So-
ciorumq; , qui in unaquaque
Prouincia sunt.

IN ITALIA PROVINCIAE

Q V I N Q V E

PROVINCIA ROMANA.

- | | |
|---------|-------------------------|
| ROMAE { | Domus professa |
| | Collegium Romanum |
| | Collegium pœnitentiariæ |
| | Domus probationis |
| | Collegium Germanicum |
| | Collegium Anglorum |
| | Seminarium |
| | Residentia Tusculana |

Collegium	Lauretanum
	Florentinum
	Senense
	Perusinum
	Maceratense
	Tiburtinum
	Ricinetense
	Amerinum inchoatum

Sunt in hac prouincia

Socij. 479.

PROVINCIA SICVL A.

Messanæ	{ Collegium. Domus probationis.
Collegium	{ Panormitanum. Syracusanum. Catanense. Montis Regalis. Biuonense. Calactense. Rhiginum.

Sunt in hac prouincia
Socij 269.

PROVINCIA NEAPO-
LITANA.

Neapoli	{ Domus professa. Collegium Neapolitanum. Catacense.
Collegium	{ Nolanum cum Nouitiatu. Aletinum. Cirinolanum.

Sunt in hac prouincia
Socij 167.

PROVINCIA MEDIO-
LANENSIS.

Mediolani { Domus professa.
Collegium Breranum.

Collegium Ianuense.

Collegium Taurinense.

Collegium Comense.

Domus probationis Aronæ.

Sunt in hac prouincia
Socij 184.

PROVINCIA VENETA.

Domus Professa Venetijs.

{ Patauinum,
Ferrariense .
Bononiense .
Brixiense .
Foroliuiense .
Mutinense .
Parmense .
Veronense .

Collegium

Domus probationis Nugularæ.

Sunt in hac prouincia
Socij 202.

IN LUSITANIA
PROVINCIA VNA.

Olisipponæ { Domus professæ cum nouitijs.
Collegium D. Antonij.

Collegium { Cōnimbricense cum Nouitiatu.
Eburense cum Nouitiatu.
Portuense.
Bracarense.
Bragantinum.
Angrense.
Funcalense.

Residentia { In S. Finz.
Canalensis.
Angolana.

Sunt in hac prouincia
Socij 524.

Sunt in hac prouincia
Socij 336.

IN INDIA ORIENTALI
PROVINCIA VNA.

Collegium { Goanum.
Cocinense.
Bazainense.
Salfettanum.
Malacense.
Bungense in Iaponia.

Residentia { Chorana.
D.Thomæ.
Damanensis.
Tannensis.
Bandoranensis.
Caulana.

Trauancori.
Commorinensis.
Manarensis.
Sinensis.
Aethiopica.
Ambrinenensis.
Sanctæ Trinitatis.

Iaponenses { Meacensis.
Emurensis.
& aliæ quædam.

Sunt in hac prouincia
Socij 236.

IN BRASILIA PRO-
VINCI A V N A.

	Bayacense.
Collegium	Fluminis Ianuarij.
	Pornambucense.
	Portus securi.
	Spiritus sancti.
Residentia	Sancti Vincentij.
	Piratiningensis.
	Illearum.
	Sunt in hac prouincia Socij. 124.

ORTIN HISPANIAE
PROVINCIAE QVATVOR.

PROVINCIA TO-
LETANA.

Domus Professa Toletana.

{ Complutense.
Oropesanum.
Ocaniense .
Madritanum .
Placentinum.

Collegium { Conchense.
Belmontense.
Sicuritanum.
Carauacense.
Huetense.
Murcianum.

Domus Probationis Villa regiensis .

Domus probationis Naulcarnera.

Suunt in hac prouincia
Socij 464.

PROVINCIA CA
STELLANA

Vallisoleti { Domus professa.
 Vallisoleti { Collegium Vallisoleti.
 Domus professa Burgensis.

Collegium { Salmanticense.
 Medinense cum Nouitiatu.
 Segobiense.
 Pallentinum.
 Abulense.
 Lucroniense.
 Onnatense.
 Montis regalis.
 Legionense.
 Bellimarense.
 Numantinum.
 Compostellatum.
 Ouetense.

Domus probationis Villagarsia.

Sunt in hac prouincia
 Socij 476.

P R O V I N C I A A R A
G O N E N S I S .

Valentia^x { Domus Professa.
Collegium Valentianum.

Collegium { Barchinonense.
Gandiente.
Cæsaraugustanum.
Maioricense.

Domus probationis Terraconensis.

I N S A R D I N I A.

Collegium { Saffaritanum.
Calaritanum.
Busaquense.

Sunt in hac prouincia

Socij 259.

PROVINCIA BOETICA.

Hispali { Domus professa.
Collegium Hispalense.

{ Triguenser.
Gaditanum.
Marcenense.
Cordubense.

Collegium { Montelanum cum Nouitiatu.
Granatense.
Vaezanum.
Malacense.
Zerense.

Sunt in hac prouincia

Socij 273.

Sunt in prouincia

Socij 25.

IN INDIA OCCIDENTALI

PROVINCIAE DVAE
PROVINCIA PER VANA.

Collegium	{ Limense. Cuschense. Ciuitatis Pacis. Potosina.
Residentia	{ Sancti Iacobi. Xuli. Panamana.

Sunt in hac prouincia
Socij 84.

PROVINCIA MEXICANA.

Mexici	{ Collegium Mexicanum. Domus probationis.
Collegium	{ Mechoacanum. Guaxacanum. Angelopolitanum.

Residentia Hauana.

Sunt in hac prouincia
Socij 76.

IN GALLIA
PROVINCIAE DVAE.

PROVINCIA FRANCIAE.

Collegium	Parisense.
	Mussipontanum.
	Billonense.
	Niucernense.
	Burdegalense.
	Virdunense cum Nouitiatu.
	Moriacense.

Sunt in hac prouincia
Socij 244.

PROVINCIAE AQVITANIAE

Collegium	Lugdunense.
	Tolosanum.
	Turnonense.
	Auenionense cum Nouitiatu.
	Rhutenense.
	Camberiacense.

Sunt in hac prouincia
Socij 144.

IN BELGIO

PROVINCIA VNA.

Collegium	Louaniense.
	Audomarense.
	Cameracense.
	Antuerpiense.
	Traiectense.
	Duacense.
	Brugense.
Domus Probationis Tornacensis.	
Residentia Leodiensis.	

Sunt in hac prouincia
Socij 154.

IN GERMANIA

PROVINCIAE TRES.

PROVINCIA RHENI.

Collegium	Colonense.
	Maguntinum.
	Heribolense.
	Spirensse.
	Fuldense.
	Treuerense.
	Heiligenstadiense.

Sunt in hac prouincia

Fondo librario antico dei Gesuiti italiani

Socij 154.

www.fondolibrarioantico.it

PROVINCIA GERMANIAE.

SUPERIORIS.

Collegium	Dilingense.
	Ingolstadiense.
	Monachiense.
	Oenipontanum.
	Hallenese.

Lucernense.

Domus probationis Lanspergensis.

Residentia domus Augustæ.

Sunt in hac prouincia

Socij 170.

PROVINCIA AVSTRIAЕ.

Collegium	Viennense.
	Pragense.
	Olomucense.
	Græcense.

Domus probationis Brunensis.

Sunt in hac prouincia

Socij 176.

IN POLONIA PRO-
VINCIA VNA.

Collegium { Branspergense.
 Pultowiene.
 Vilnense.
 Posnaniense.
 Iaroslauiente.

IN SVECIA.

Residentia Stocholmiensis.

IN TRANSILVANIA.

Residentia Claudiopolitana.

Sunt in hac prouincia
 Socij 225.

Sunt omnes Prouinciae in uniuersa societate ui-
 gintiuna.

Domus professæ decem.

Collegia centum quadragintaquatuor.

Domus probationis separatae duodecim.


Residentiae triginta tres.

Socij denique omnes 5165.

Anno M. D. LXXIX.

Fondo librario antico dei Gesuiti italiani
www.fondolibrarioantico.it

DOMINI
REGVLAE
PROVINCIALIS
SOCIETATIS
I E S V.



VENETIIS, M D LXXX.
Cum facultate superiorum.

Fondo librario antico dei Gesuiti italiani
www.fondolibrarioantico.it



Cinquecentina

n. 391
18

Fondo librario antico dei Gesuiti italiani
www.fondolibrarioantico.it

Fondo librario antico dei Gesuiti italiani
www.fondolibrarioantico.it



o librario antico dei Gesuiti it
www.fondolibrarioantico.it